

四庫全書考證

三〇





17.8

證考書全庫四, 101

(十三)

輯纂等岳太王

四庫全書考證卷七十三

子部

列子

冲虛至德真經解

莊子口義

南華真經義海纂微

莊子翼

文子

文子續義

周易參同契發揮

抱朴子內篇

抱朴子外篇

真誥

亢倉子

續仙傳

雲笈七籤

悟真篇注疏

古文龍虎經注疏

道藏目錄詳注

革象新書

天官翼

列子周列禦寇撰 晉張湛注 唐殷敬慎釋文

卷一

笑瑞篇仲尼曰生無所息案曰字下別本有人字

卷二

黃帝篇心一而已物無迁者如此而已案迁蕭士贊注李詩引此作遷又解六畜之語注是生三子盡為犧矣刊本三訛四據左傳改

卷三

周穆王篇五府爲虛注太府掌九貢九賦之貨賄刊本賦訛職據周禮改又信夢不達注夢爲鳥而戾於天刊本戾訛厲今改

卷四

仲尼篇長幼羣聚而爲牢藉注鼈人以時藉魚鼈龜屨刊本脫龜字據周禮增又在己無居形物自著刊本自著訛其著據別本改

卷五

湯問篇然則上下八方有極盡乎注湯革雖相答然於視聽猶未歷然刊本於訛後據別本改又惟黃

帝與容成子居崆峒之上。注。今在酒泉郡。刊本酒訛醴。據晉書地理志改。又鸛鶴北踰濟。注。濟水出王屋山爲沈。刊本沈訛所。據水經注改。

卷六

力命篇。朕豈不能之哉。注。是以聖人兩存而識辨。刊本存訛情。據別本改。又僣僣成者。侑成也。注。侑似也。刊本似訛。以據集韻改。

沖虛至德真經解 宋江遜撰

卷一

矣。瑞篇。故有生者。注。有生不可以言微。原本微訛。據道德經改。馬血之謂轉燐也。人血之謂野火也。原本燐訛。據列子改。

卷二

黃帝篇。藐姑射山在海河洲中。原本藐訛。列。據張湛本改。

卷三

穆王篇。吾之方密。傳世不以告人。原本缺告人二字。據張本補。

卷七

楊朱篇。百羊爲羣。使童子荷箠而隨之。原本爲訛而據張本改。

卷八

說符篇。卒取亡焉。注。兵強則不勝。木強則折。原本折訛共。據道德經改。

莊子口義 宋林希逸撰

卷一

齊物論。固若是芒乎。解。此所謂金篋刮膜。刊本刮訛括。今改。

麗之姬。艾封人之子也。解。及其既貴。與王同牀而食。刊本同訛曰。今改。

卷二

德充符篇。既受食於天。又惡用人。刊本食訛命。據別本改。

卷三

大宗師篇。稀韋氏得之以挈天地。解。當另作一眼看。刊本另訛令。今改。

卷四

胠篋篇。有天道。有人道。解。舉而措之天下之民。謂之事業。刊本脫上之字。據周易增。

卷六

山木篇。一上一下。以和爲量。刊本上一字訛。士據別本改。
無受天損易。無受人益難。刊本天訛人。據別本改。

卷七

田子方篇。有一史後至者。儻儻然不趨。刊本趨訛知。據別本改。

卷八

則陽篇。惠子聞之。而見戴晉人。刊本惠訛思。今改。

卷九

說劍篇。以清廉士爲鏹。刊本鏹訛諤。今改。

卷十

天下篇。以跛躄爲服。刊本跛訛跋。據別本改。

南華真經義海纂微 宋褚伯秀撰

卷二

齊物論。形固可使如槁木。呂注。不知何居。而可使至此也。原本知訛得。據別本改。
隨其成心而師之。案語。求之于未成心之前。則念不續。而性可復矣。原本性訛信。

又攝情歸性之要道。

也。原本情訛性。並據別本改。

卷三

天下莫大於秋毫之末。原本脫末字。據別本增。

此之謂葆光。趙注。葆光。言晦其明也。原本明訛名。據別本改。

卷四

人固受其黜闇。庸齋口義。論與彼同既不可。原本同訛可。今改。

此之謂物化。案語。虛以待物。物亦無礙。原本脫一物字。據別本增。

卷五

養生主。庖丁爲文惠君解牛。李士表論。以族庖視庖丁。礙者。礙其解也。原本脫庖丁二字。據別本增。

卷六

指窮於爲薪。火傳也。郭注。前薪以指。指盡前薪之理。原本脫指盡二字。據別本增。

卷七

人間世。必將乘人而鬪其捷。陳注。口營而依違。原本營訛成。據本經改。

卷九

彼且爲嬰兒。郭注。與之爲嬰兒七句。不立圭角以逆其鱗也。原本脫七句二字。據別本增。

兩脾爲脇。挫鍼治癩。原本脾訛脾。鍼訛鍼。並據別本改。

卷十

天下有道。聖人成焉。案語。是之謂奇文。原本奇訛作文。可二字。據別本改。

卷十一

德充符。是必才全而德不形者也。陳注。有本故有德。原本脫德字。今增。

卷十六

大宗師。夫道有情有信。呂注。或目擊而存。原本目擊訛自繫。又肩吾得之以處太山。林注。肩吾。山神。原本山神訛製名。並據別本改。

卷十七

朝徹而後能見獨。呂注。見獨者。彼是各得其偶。原本各訛莫。又將奚以汝爲。將奚以汝適。原本下奚字。訛其。並據別本改。

卷十八

人哭亦哭。是自其所以乃且也。相與吾之耳矣。原本乃訛方。今改。

卷十九

意而子見許由。林注。物皆自造。我與汝俱不可知。冥之而已。原本脫汝字。今增。

子與與子桑友案語知出于不知是知之盛也故繼以真人真知原本真知二字互倒據別本改。

卷二十

應帝王篇汝又何帛以治天下原本帛訛法。又順物自然而無容私焉郭注容私果不足以生生而順

公乃全也原本脫一生字並據別本改增。

卷二十一

是于聖人也胥易技係勞形忧心者也郭注非涉虛以御乎無方者也原本御訛修據別本改。

卷二十三

駢拇是故駢於明者呂注今以所見為明是以自見與所見合而駢之也原本與訛無據別本改。又亂

五色庸齋口義即老子五色令人目盲之意原本旨訛忘據道德經改。

卷二十四

意仁義其非人情乎案語惡夫假仁者執虛器以愚天下之民原本仁訛禽又執虛器訛氣虛執並據別

本改。

卷二十五

是以上不敢為仁義之操原本脫為字據別本增。

卷二十六

馬蹄當是時也。山無蹊隧。原本山上衍填字。據別本刪。

卷二十八

眩篋罔罟之所布。原本脫罔字。又并與其聖知之法而盜之。呂注。世俗所謂知。非周萬物之知。原本上

知字訛聖。並據別本增改。

故絕聖棄知。大盜乃止。郭注。除矯詐之所賴。原本脫賴字。又受生有分。而以所貴引之。原本脫以字。又

引訛也。並據別本增改。

卷三十一

在宥。天下脊脊大亂。罪在擾人心。郭注。崇僞者竊其柄。原本崇訛業。據別本改。

廣成子南首而臥。原本臥訛悟。據別本改。

處乎無響。行乎無方。呂注。撓撓而不必靜。是所謂萬物並作。原本不必靜。訛必靜不。據別本改。

卷三十三

物者莫足爲也。林注。蓋欲其精于道而不役於物也。原本役訛欲。今改。

卷三十四

天地篤德成之謂立。郭注。德者人之綱要。原本綱訛剛。據別本改。

卷三十六

使聖人富。林氏注。富則爲財所役而多事。原本事訛使。據別本改。

卷三十七

其觀臺多物將往。投迹者衆。郭注。舉足投迹不安其本步也。原本步訛歲。據別本改。

卷三十八

鑿木爲機。原本機訛棹。據別本改。

行而無迹。案語。此其所以爲至治之世與。原本脫治字。今增。

卷三十九

五聲亂耳。使耳不聰。原本聰訛聽。又趣舍滑心。陳注。妄境在前。靈源遂滑。以至忘不費之良貴。原本貴

訛遺。並據別本改。

卷四十

天道萬物之鏡也。呂注。於其芸芸也。乃所以歸其根。原本脫上其字。又虛靜恬淡。陳注。心靜則萬有易

照。原本萬訛無。並據別本改。

卷四十一

其生也。天行。庸齋注。天行。行乎天理之自然。原本脫一行字。又一心定而萬物服。案語。物何爲而不服。

原本物訛服。並據別本增改。

有爲也。則爲天下用而不足。郭注爲天下用者亦自得耳。原本脫得字。據別本增。

卷四十二

繫焉而止。庸齋注。繫焉而止。卽坐馳之貌。原本貌訛視。據別本改。

卷四十三

其古人之精粕已夫。案語。但末後欠桓公領悟耳。原本悟訛話。又故雖用世而不足爲之累也。原本用訛有。並據別本改。

卷四十四

天運順之則治。逆之則凶。褚氏管見。卽彝倫數敘之分也。原本數訛攸。據別本改。

卷四十五

其里醜人見而美之。原本醜訛配。據別本改。

卷四十六

仁義先王之蘧廬也。郭注。故當隨時而變。無常迹也。原本當訛至。又假道於仁。林注。仁以立人。故假道以行。原本脫仁字。並據別本改增。

卷四十七

禹之治天下。郭注。承百代之流而會乎當今之變。原本承訛求。據別本改。

不與化爲人。安能化人。案語。聖人者與化爲人。知化則知天矣。原本上知字訛之。又動無方而居窈冥。原本冥訛民。並據別本改。

卷五十

繕性由是觀之。雖樂未嘗不荒也。郭注。寄去則不樂者。寄來則荒矣。原本來訛其。據別本改。

卷五十一

秋水大而不多。原本不訛。又據別本改。

卷五十二

大人無己。約分之至也。陳注。非約之以分而至其至者。不足以與此。原本此訛化。今改。

卷五十三

明權者不以物害己。郭注。乘變應權。原本脫應權二字。據別本增。

卷五十七

至樂得水土之際。則爲蛙蟻之衣。陳注。適逢道邊有蛙。因指以論化機。蛙感火氣。則爲鶉。原本邊訛遙。火訛大。並據別本改。

卷五十八

達生。津人操舟若神。原本津訛律。據別本改。

卷五十九

不敢懷慶賞爵祿。原本脫賞字。據別本增。

卷六十

山木。不求文以待形。案語。又何待乎禮文。原本脫待字。今增。

卷六十二

陽子之宋。宿於逆旅。逆旅人有妾二人。原本脫下逆旅二字。據別本增。

卷六十三

田子方。明乎禮義而陋于知人心。案語。言所以達意。原本達訛在。今改。

卷六十五

其神經乎大山而無介。原本經訛繼。據別本改。

楚王與凡君坐。案語。莊子譏其行寔。故得以少之。原本脫少字。據別本增。

卷六十七

知北遊。吾已往來焉而不知其所終。林注。此自然之理也。原本然訛家。據別本改。

卷七十三

庚桑楚。公族也。案語。蓋謂貴戚茲衍。而封建制度之不同。原本脫同字。據別本增。

卷七十四

夫復譖不餽而忘人。原本譖訛爲。據別本改。

卷七十五

徐无鬼。吾君未嘗啓齒。原本脫啓字。據別本增。

卷七十六

權勢不尤則夸者悲。原本脫權字。據別本增。

卷七十七

齊人躡子于宋者。其命關也不以完。郭注。出便與守不保其全。原本守訛手。據別本改。

卷七十八

田禾一觀我。而齊國之衆三賀之。林注。國君一觀而國人三賀。原本人訛君。據別本改。

卷八十一

古之真人以天待之。郭注。居無事以待事。事斯得。原本脫無字。斯訛期。並據別本增改。

卷八十四

則陽是陸沈者也。林注。聖人太陰。在陸而沈。隱于鄆市者似之。原本鄆訛鄆。據別本改。
故一形有失其形者。退而自責。原本失其訛形失。據別本改。

貨財聚。然後觀所爭。陳注。是爲天下王。原本王上行天字。據道德經刪。

卷八十五

文武大人不賜。故德備。郭注。若有由賜。則有時而闕矣。原本則訛而闕訛關。並據別本改。又丘里者。合十姓百名以爲風俗也。陳注。五家爲鄰。五鄰爲里。原本鄰並訛部。據周禮改。又案語。正乎理則物無所距。原本正乎理則四字訛作則物正乎。據別本改。

卷八十六

斯而析之精。至於無倫。厲齋口義。若以此理分析細大。原本細訛理。據別本改。

卷八十八

外物。君曰。獻若之龜。原本獻訛厭。據別本改。

卷九十

小人所以合時。君子未嘗過而問焉。原本脫君子二字。據別本增。

卷九十一

寓言。天均者。天倪也。原本脫均字。據別本增。

勸公以其死也。有自也。呂注。以其無私而能成其私。所以勸公也。原本脫無字。據別本增。

讓王孔子窮於陳蔡之間。陳注。卓立乎二者之間也。原本卓訛柴者訛間。並據別本改。

卷九十五

盜跖。知維天地。能辨諸物。此中德也。勇悍果敢。聚衆率兵。此下德也。原本脫勇悍至下德也十二字。又執轡三失。目茫然無見。原本脫目茫然無見五字。並據別本增。

卷九十七

說劍。封之內無不賓服而聽從君命者矣。原本脫而聽從君命者矣七字。據別本增。

卷九十八

漁父。有土之君與。子貢曰。非也。侯王之佐與。子貢曰。非也。原本脫侯王之佐與子貢曰非也十字。又孔子愀然而歎。再拜而起。原本脫再拜而起四字。又吾去子矣。吾去子矣。原本脫下吾去子矣四字。並據別本增。

卷一百

列御寇。一寤萬乘之主而從軍百乘者。商之所長也。原本脫者字。據別本增。宵人之離外形者。金木訊之。呂注。晝人之過少。夜人之過多。原本夜訛過。據別本改。

卷一百三

天下。以法爲分。以名爲表。郭注。其名法參稽之數。原本參訛操。據別本改。

卷一百四

沐甚風櫛疾雨。原本風訛禹雨訛風。並據別本改。

卷一百五

大道能包之而不能辨之。陳注有自然之理也。原本脫理字。今增。

莊子翼 明焦竑撰

卷二

顏回見仲尼。郭注非無心而付之天下也。刊本無訛經。今改。

孔子適楚。管見總論。所以明世患之多端。物外之難必。刊本物外二字互倒。今改。

卷四

世喪道矣。呂注深根寧極。刊本根訛黃。今改。

卷六

古之人其知有所至矣。循本注。如釜底之墨披然而開。刊本墨訛星。今改。

文子 周辛旸撰

道原章萬物之總皆關一孔刊本關訛閱 又灼之不焦刊本焦訛熏並據別本改

符言章黔首之患固在言前黎民所以蒙禍者妄議國家典法故也刊本脫黎民至典法故也十五字據

別本增

卷下

自然章江海不讓水潦以成其大刊本江訛故據別本改

上仁章一人瞻耒而耕案蹠別本作執

文子續義 宋杜道堅撰

原序

蓋計然嘗受於老子者也原本受訛授案計然受業于老子今改

卷一道原篇

道原篇此篇續義永樂大典原缺

老子曰夫道德者志弱而事強節夫執道以耦變先亦制後後亦制先何則不失所以制人人亦不能制也原本則訛即據明刊本改

卷二精誠篇

老子曰天致其高節。故賞善罰暴者。政令也。其所以能行者。精誠也。原本罰訛伐。又脫以字。並據明刊本增改。

老子曰夫人道者。全性全真。不虧其身。案性字。原本及明刊本俱訛作信。今據下續義云。性無不善。全性保真。不虧其身。精通於天。改。

虛犧氏之王天下也。節隱真人之道。以從天地之固然。何則。道德上通而智故消滅也。案明刊本何則作何卽誤。

老子曰天不定日月。無所載節。積惠重貨。使民忻忻。入樂其生者。仁也。案明刊本民字上有萬字。又正上下明親疏。存危國。繼絕世。立無後者。義也。明刊本存字作序字。

老子曰若夫聖人之遊也。節使我可拘繫者。必其命有在乎外者矣。案明刊本無乎字。

老子曰冬日之陽節。弗召而來。不去而往。窈窈冥冥。不知所爲者。而功自成。案弗召而來句。明刊本而作自。又臯陶暗而爲大理。天下無虐刑。原本脫下字。今據明刊本補。

民之化上節。故君子者猶射者也。於此毫末。於彼尋丈矣。案明刊本猶字上有其字。

老子曰縣法賞而不移。風易俗者。誠心不抱也。明刊本而不移風易俗句。不字下有能字。

老子曰大道無爲節。不居者卽處無形。無形者不動。明刊本處字下有而字。又無形無聲者。視之不見。

聽之不聞。明刊本作無形者。視之不見。無聲者。聽之不聞。又功德至大。勢名至賢。原本功作道。據明刊本及續義改。

老子曰。賑窮補急。節寢說而不言。天下莫之知。明刊本無之字。又末世之學者。不知道之所體一。原本者訛也。據明刊本改。

老子曰。心之精者。節續義。情動乎中。言發乎外。原本情訛靜。今改。

老子曰。子之死。父臣之死。君非出死以求名也。恩心藏於中。不違其難也。原本違訛道。據續義改。又君子慎其獨也。舍近則遠。塞矣。明刊本則訛期。

老子曰。勇士一呼。節精之至者。可以形接。不可以照期。明刊本無以字。

老子曰。言有宗。節故。匠人智爲不以能。以時閉。不知閉也。故必杜而後開。原本爲不下。無以能字。閉也。上無知字。據明刊本補。

老子曰。人無爲節。而神者載無言。則傷有神之神者也。明刊本無也字。

文子曰。名可強立。原本文子作老子。據明刊本改。又辛苦十日不食。如享太牢。明刊本辛作勤。又智絡天地。察分秋毫。明刊本絡作略。

卷三 九守篇

九守篇。此篇續義。永樂大典原缺。又此篇名九守。以下細目分列十守。與篇名不符。

老子曰。人受天地變化而生。一月而膏。二月而脈。原本二月而脈。而作血。明刊本同。今據文義改。
守弱節。執雌牝。故能立其雄牡。原本雄牡。訛雌牝。據明刊本改。
守樸節。審于無瑕。不與物遷。明刊本瑕訛假。

卷四符言篇

老子曰。道至高無上節。是故體道者不怒不喜。其坐無慮。寤而不夢。原本寤訛寢。據明刊本改。

老子曰。欲尸名者。必生事節。功成不足。塞責事敗。足以滅身。明刊本塞責上有以字。
老子曰。道者守其所己有節。故常無禍。不常有福。常無罪。不常有功。明刊本常訛嘗。

老子曰。爲善卽勸。爲不善卽觀。勸卽生貴。觀卽生患。明刊本貴作責。

老子曰。凡事人者。節卽爲名者。不伐無罪。爲利者不攻難得。原本名訛民。據明刊本改。

老子曰。聖人不勝其心節。故聖人損欲以從性。明刊本以作而。

老子曰。治身養性者。節適其外者。傷其內。扶其情者。害其神。案適。明刊本作飾。文義從適爲長。

老子曰。道者直己而待命。時之至。不可逆而返也。時之去。不可追而援也。明刊本追訛足。又福之至。非

己所求。明刊本非己下有之字。

老子曰。古人之存己者。樂德而忘賤。故名不動志。明刊本無人字。

老子曰。言者所以通己於人也。節。夫道之爲宗也。有形者皆生焉。原本也訛者。焉訛也。據明刊本改。

老子曰人之情節欲勝人者先自勝欲卑人者先自卑。明刊本勝下有於字。又戴而不重。此德有餘而氣順也。明刊本德下有重字。

老子曰小人從事節。續義。小人苟得才勝德也。君子苟義德勝才也。原本脫下也字。據文義增。

老子曰人有順逆之氣。節心之治亂在於道。明刊本道下多一德字。又夫氣者可以道而制也。明刊本

夫作二。以道作道已。又德積則福至。禍積則怨至。明刊本二至字俱作生。又原本禍訛福。今改。又

慎始如終則無敗事。明刊本事下有也字。

老子曰聖人同死生節。聖人之同死生。明於分理。愚人之同死生。不知利害之所在。明刊本無二之字。

又道懸天。物布地。原本脫天字。地訛施。據明刊本增改。

老子曰能成霸王者必德勝者也。明刊本無德字。又能得人心者必自得者也。自得者必柔弱者也。明

刊本無下也字。

卷五 道德篇

道德篇。此篇續義。永樂大典原缺。

老子曰執一世之法。籍節。世異則事變。時移則俗易。原本事訛時。據明刊本改。

老子曰天下是非無所定節。故通於道者。如車軸不運於己。而輿轂致于千里。轉于無窮之原也。原本軸

訛輪。據六卷上德篇改。

卷六上德篇

老君學於常縱。明刊本作老子曰學於常縱。與此互異。今據續義。老君之師姓常名縱。故仍其舊。故人不小學。不大迷。不小慧。不大愚。明刊本學作覺。

蚯蚓無筋骨之強。爪牙之利。上食晞塊。下飲黃泉。用心一也。明刊本塊作塊。通於道者節。終而復始。轉於無窮之原也。原本原訛厚。據明刊本改。

川竭而谷虛。節。河水深。其壤在山。明刊本其作而。

水靜則清。清則平。平即易。易見物之形。形不可以爲正。明刊本作易則見物之形。形不可併。故可以爲正。壁瓊之器。礪。鑿之功也。鑿。鄒之斷割。砥礪之力也。明刊本瓊作瓊。鑿。鄒之斷割無之字。

因高爲山。即安而不危。因下爲淵。則魚鼈歸焉。明刊本作即深而魚鼈歸焉。

鼈無耳而目不可以蔽。精於明也。瞽無目而耳不可以蔽。精於聽也。原本無上目字。據明刊本補。又聽字。明刊本作聰字。

冠即戴枝之。絲即足屨之。明刊本二即字俱作則。華非其時者不可食。明刊本無其字。

張弓而射。非弦不能發。明刊本發字下重一發字。

今有六尺之席。臥而越之。下才不難。立而踰之。上才不易。勢施異也。原本席訛廣。據明刊本改。

穀虛而中立節。使一輻獨入。重輻皆棄。何近遠之能至。明刊本一輻訛作一軸。附訂於此。人之性須衣絲帛。明刊本絲作綿。

善用人者。若蚡之足衆而不相害。明刊本無相字。

夫待利而登溺者。必將以利溺人矣。明刊本人字作之字。

無辜不辜。飢終不墮井矣。明刊本作無曰不辜。

今有一炭。掇之爛指。明刊本指下有相近也三字。又萬石俱熏。去之十步而不死。同氣者而異積。明刊

本非同氣而異積也。

天行不已。終而復始。故能長久。輪復其所轉。故能致遠。明刊本復作得。

陰難陽萬物昌。陽伏陰萬物湛。明刊本伏作復。又物樂無不治矣。明刊本樂下多一則字。

陽氣動節。洿澤盈萬物節成。洿澤枯萬物節萎。明刊本無下節字。又陽上亦復下。明刊本亦作而。

陽氣蓄而復能施。陰氣積而復能化。未有不蓄積而能化者也。明刊本兩復字俱作後。又能化者也。上多

一後字。

陽滅陰節。故王公尙陽道則萬物昌。尙陰道則天下亡。原本脫上則字。據明刊本增。

雷動於地。萬物緩。風搖樹。草木散。明刊本無於字。散作敗。又民有去就也。明刊本民上有故字。

風不動。火不出。大人不出。大人不言。小人無述。明刊本無大人不出句。

火上炎。水下流。聖人之道以類相求。儼陽。天下和同。儼陰。天下溺沈。明刊本以類相求句下有聖人二字。疑衍。又儼。註音依。考禮雜記閒傳皆從隱。豈切當音辰。此音矣。聲與辰相近。無作平聲者。明刊本音依訛。附訂於此。

卷七 微明篇

文子問曰。爲國亦有法乎。老子曰。今夫挽車者。前呼邪許。後亦應之。明刊本許作軒。軒。火乎切。

老子曰。聖人立教。施政節。使有聲者。乃無聲也。明刊本作乃無聲者也。

老子曰。相坐之法。立節。聖人見福于重關之內。慮患於冥冥之外。明刊本見福作先福。誤。

老子曰。清靜恬和節。發一號散。無競總一管。謂之心。明刊本競作竟。

老子曰。人皆知治亂之機節。故聖人論世而爲之事。推事而爲之謀。明刊本推作權。

老子曰。凡入之道節。志大者兼包萬國。明刊本志下有欲字。衍。又智圓者終始無端。方流四遠。明刊本

方字下有。小注音旁二字。又日慎一日。是以無爲而一之。誠也。明刊本誠作成誤。又故以正教化。

其勢易而必成。明刊本正作政。案此正字。與下衰字對。不當作政。

老子曰。福之起也。節通智得而不勞。其次勞而不病。其下病而益勞。明刊本益作亦。誤。又紂爲象箸而

箕子啼。明刊本作唏。

得道之人節。故內有一定之操。而外能屈伸。與物推移。原本一定二字互倒。據明刊本改。又是故舉事

而順道者。非道者之所爲。道之所施也。明刊本所爲下有也字。

天地之所覆載節。皆同一和。明刊本和下有也字。

道者物之所道也節。故上世道而不德。中世守德而不懷。下世繩繩。惟恐失仁義。原本惟作而。據明刊本改。

老子曰事成欲利之節。夫病濕而強餐之熱。病渴而強飲之寒。明刊本餐作食。又快于目。悅于心。明刊

本快訛悅。

老子曰有功離仁義者節。慮患解圖國必存。明刊本無必字。

人之將疾也節。居家理然後可移於官。明刊本理下有治字。

帝王富其民節。古者親近不以言說。來遠不以言使。明刊本無說字。又無先人言後人而已。明刊本脫

而字。

卷八自然篇

去恩惠。舍聖智。明刊本惠作慧。

故至寒傷物節。是以大道無所不可。可在于其理。明刊本無其字。

老子曰樸至大者無形狀節。故其見不遠者不可與言大。其智不博者不可與論至。明刊本無二其字。

夫教道者節。放生者無德也。死者無怨也。明刊本無二也字。

老子曰。聖人天覆地載。日月照臨。陰陽四時化。明刊本陰陽下有和字。

夫天地不懷一物節。山林不讓枉撓。以成其崇巒。明刊本無巒字。

其導民也。水處者漁。林處者采。谷處者牧。陸處者田。明刊本陸訛陵。又以所工易所拙。以所長易所短。

明刊本脫所長句。

老子曰。以道治天下節。物必有自然而後人事有治。明刊本治下有也字。

道德者功名之本也。明刊本者下有則字誤。

古之善爲君者節。王公修道。功成不有。明刊本道下有則字。

天下有始節。于心甚微。于道甚富。明刊本富作當。又去事與言。順無爲也。明刊本順作慎。案易坤卦。蓋

言順也。古字順慎通用。又萬物同于道而殊于形。明刊本無於字。

聖人之道節。任察者不求善。以事其上。卽弊。明刊本不作下。

故國有誅者節。民知誅賞之來。皆生于身。明刊本知作之。誤。

王道者節。言爲文章。行爲儀表。明刊本兩爲字俱作無。又名各自命。類各以事。明刊本類各下有自字。

天氣爲魂節。運轉無端。化遂如神。明刊本運作輪。

故聖人舉事節。能稱其事。卽爲者不難也。明刊本稱作勝。

老子曰。所謂無爲者節。藐爾不應。感而不動。明刊本藐爾作迫而。

謂其私志不入公道節。事成而身不伐。功成而名不有。明刊本功成作功立。又水用舟。沙用殊。注。殊。乃鳥反。原本鳥訛鳥。據明刊本改。

老子曰古之立帝王者節。註。奉法以翼之。宣教以導之。原本翼作異。導作尊。據文義改。

神農形倅節。非以貪位慕祿。將欲事起天下之利。除萬物之害也。明刊本貪位慕祿作貪祿慕位。物作民。老子曰夫道者體圓而法方節。得一之原。以應無方。是謂神明。原本作得之一原。據明刊本改。

天圓而無端。故不可得而觀其形。地方而無涯。故莫能窺其門。明刊本故不可得句。無可而二字。故莫能窺句。無能字。

古之得道者節。喜怒法四時。明刊本法作合。

因民之欲節。循道而動。天下爲鬪。明刊本道作已。

卷九下德篇

老子曰。欲治之主不世出。可與治之臣不萬一。以不世出求不萬一。此至治所以千載不一也。原本至訛致。據明刊本改。

所貴聖人者。非貴其隨罪而作刑。明刊本刑下有也字。

若開其銳端節。雖殘賊天下。不能禁其姦也。明刊本也下有矣字。

老子曰。身處于江海之上。心在于魏闕之下者。卽重生。重生卽輕利矣。明刊本無兩于字者字。

志則有所欲。卽忘其所爲矣。明刊本無則字矣字。

是故聖人審動靜之變。適受與之度。明刊本故作以。變下有而字。又夫動靜得。卽患不侵也。原本侵訛

禍。據明刊本改。

好憎理卽憂不近也。明刊本作理好憎。

喜怒哀節。卽怨不犯也。明刊本作節喜怒哀。

所謂得天下者。非謂其履勢位。稱尊號也。明刊本無也字。

夫怒者。逆德也。兵者。凶器也。爭者。人之所亂也。原本亂作惡。明刊本作亂。續義亦作亂。今據改。又治人

之所亂。逆之至也。明刊本無所字。

以道本之。性無衰穢。久湛於物。卽忘其本。明刊本道本下有人字。湛作愷。又脫忘其本三字。

夫縱欲失性節。不聞道者。無以反性。明刊本不聞上有故字。

古之聖人能得諸己。故令行禁止。明刊本之作者。無能字。

夫一者節。聖王託于無適。故爲天下令。案令。舊註亦作令。明刊本作命誤。

春肅秋榮。冬雷夏霜。皆賊氣之所生。明刊本生下有也字。

以萬異爲一同。明刊本異作里。誤。

禮義廉恥不設。萬民莫不相侵暴。猶在乎混溟之中也。明刊本猶作由。溟作冥。

和失然後調聲。明刊本調作諧。據舊註改。
禮淫然後飾容。原本容訛和。據明刊本改。

老子曰。清靜之治。和順以寂寔。明刊本治下有者字。文義似衍。

在內而合乎道。出外而同乎義。舊注。中與道宜。外與事正。明刊本宜作冥。誤。

其事略而循理。其行悅而順情。原本行悅作說行。據明刊本改。

通體乎天地節。明照乎日月。明刊本照作朗。

機巧詐僞節。此清靜之所明。明刊本明下有也字。

異形殊類。易事而不悖。原本不悖訛貴勃。據明刊本改。

失業處而賤。得志勢而貴。明刊本無處字勢字。

夫先知遠見之人。節口辯辭給之人。知之溢也。明刊本辭給下脫之字。

又敖世賤物。不污於俗。明刊本

污於作從流。

故國法可與愚守也。而軍旅可與整同也。明刊本法作治。與整作以法。

大可覩者可得而量也。明可見者可得而蔽也。明刊本蔽作敵。誤。

夫至大。天地不能函也。至微。神明不能領也。明刊本領作見。

夫智能彌多而德滋衰。明刊本衰誤作哀。

取焉而不損。酌焉而不竭。莫知其所由出。明刊本由字上有求字。

人之情節。故閉四關。止五遁。與道淪。明刊本遁誤作道。

老子曰。衡之於左右節。人主之於法。無私好憎。故可以爲命。明刊本命誤作令。案注。命猶令也。明本誤。水戾破舟。木擊折軸。不罪木石而罪巧拙者也。明刊本無也字。

夫權衡規矩節。一日形之。萬世傳之。無爲之爲。明刊本無爲之爲下有也字。

人之言曰。國有亡主。世無亡道。明刊本人之言曰。句上有老子曰三字。與此互異。

動靜調乎陰陽。喜怒和乎四時。明刊本二乎字俱作蟬。

蜎飛蠕動。莫不仰德而生。明刊本仰作依。

法陰陽者節。精與鬼神齊靈。明刊本精字下有神字。

內能治身。外得人心。發號施令。天下從風。明刊本治作理。發號施令作發施號令。

則四時者節。其理柔而不脆。剛而不壯。明刊本壯作折。又其德含愚而容不肖。明刊本含作舍。誤。

伐亂禁暴。舉賢廢不肖。明刊本舉賢作興賢良。

帝者體陰陽。卽侵案上文。賢帝者體太一。法陰陽。故此云帝者體陰陽爲大而行小之失。明刊本作不體。

陰陽誤。

王者法四時。卽削。明刊本作不法四時。誤。

霸者用六律卽辱。君者失準繩卽廢。原本脫此二句。今據明刊本補。又明刊本霸者下衍一不字。今據上三句文義刪。

嚴行刻殺不足以爲威。明刊本刻殺作峻罰。

故善爲政者節積德而民可用也。蓄怒而威可立也。明刊本積德作德積。蓄怒作怒蓄。

卷十上仁篇

上仁篇此篇續義永樂大典原缺。

老子曰治大者道不可以小節。民衆者教不可以苛。原本脫以字。據明刊本補。

老子曰食者民之本也。節是故萬物之發生若蒸。悉出。原本脫若字。又欲利民不忘乎心。原本脫欲字。

並據明刊本補。

文子問仁義禮節。德貴無高。義取無多。原本高作尙。據明刊本改。

卷十一上義篇

老子曰凡學者節。便說掇取一行一切之術。非天下之通道也。明刊本切誤作功。

老子曰治人之道。其猶造父之御駟馬也。齊輯之乎轡御。明刊本轡御作轡銜。又君臣不和。聖人不能

以爲治也。明刊本無也字。又不用適然之教而得自然之道。萬舉而不失矣。明刊本萬舉下無而字。

老子曰凡爲道者節。有餘者止於度。不足者逮於用。故天下可一也。明刊本作天下可一人也。又棄功

勞而用朋黨。卽奇伎逃亡。明刊本逃亡作天長。誤。又故有道以御人。無道則制於人。明刊本制於人下有矣字。

老子曰天下幾有常法哉。節順於天道。明刊本道作地。又夫存危治亂。雖智不能。道先稱古。雖愚有餘。明刊本作非智不能。

文子問曰注安所生節。義生乎衆適。合乎人心。明刊本作義生乎衆適。衆適合乎人心。

夫法者天下之準繩也。節是故公道行而私欲塞也。明刊本行而作而行。又法度道術所以禁君使不得橫斷也。明刊本不得作無得。又故反於無爲。明刊本作反樸無爲。

老子曰臣道者論事處當爲事先唱。明刊本事作是誤。又夫得威勢者所恃甚少。所任甚大。明刊本少作小。任作利。又順之者利。逆之者害。明刊本害作凶。

老子曰自古及今。節力自修以道而不責於人。易償也。明刊本力上多一而字。而作故。又窮卽觀其所不受。賤卽觀其所不爲。視其所處難。以知其勇。明刊本窮卽觀其所受。賤卽觀其所爲。處難作患難。

赤帝爲火災節。教之以道。導之以德而不聽。明刊本能教人以道。誤。又殫天下之財。贍一人之欲。明刊本殫作聚。

老子曰爲國之道。節車輿極於彫琢。器用選于剡鏤。明刊本選作遂。又士爲僞辯。明刊本作詭辯。老子曰霸王之道。節兵至於郊。明刊本於作其。又以鄉聽者封以鄉。以縣聽者侯以縣。明刊本侯以作

候其誤。又百姓開戶而納之。瀆米而儲之。唯患其不來也。明刊本米作采。患作恐。老子曰。上義者節。仁義足以懷天下之民。事業足以當天下之急。明刊本無仁字。老子曰。國之所以強者必死也。所以死者必義也。明刊本作所以必死者義也。

卷十二上禮篇

上禮篇。此篇續義。永樂大典原缺。

周易參同契發揮 元俞琰撰

卷上

稽古稱元皇。關雎建始初。原本稱訛當。據別本改。

原始要終注。陽將生而猶未生也。原本脫未字。據上文增。

一者以掩蔽注。然一時卽一處也。原本脫下一字。今增。

若夫至聖不過伏犧注。震雷巽風。艮山兌澤。則居於四隅。原本隅訛偶。今改。

卷中

坎離冠首注。出日入月。原本缺月字。據經補。

陽燧以取火注。司烜氏以夫遂取明火于日。原本夫訛木。據周禮改。

抱朴子內篇 晉葛洪撰

原序

夫以憔悴之步而企及夸父之蹤。越士所以躓困也。刊本蹟訛瑣。又豈為暗塞必能窮微暢遠乎。聊論所先覺耳。刊本脫論字。又覺訛舉。並據晉書改增。

卷一

論僂條。未若據匡世之高策。招當年之隆祉。刊本匡訛臣。今改。

對俗條。終歸知往。乾鵠知來。案外篇譏感篇。作終歸知來。又淮南子作終歸知來。徃徃知往。並與此異。

又陰長生。刊本陰下衍其字。據別本刪。

金丹條。以此丹如棗核。九許持之。百鬼避之。而丹書門戶上。萬邪衆精不敢前。刊本脫九許至衆類十八

字。據別本增。

神丹條。一石輒五轉。而各成五色。刊本脫輒五二字。又其次有五靈丹經一卷。刊本脫五字。又以此

丹。一刀圭粉水銀一斤。便成銀。刊本脫以字。並據別本增。

至理條。適偶有所偏解。猶鶴知夜半。刊本脫猶字。又寤身名之親疎。悼過隙之電速。刊本脫速字。據別

本增。

卷二

塞難條。若待俗人之息妄言。則俟河之清。未為久也。刊本脫若字。據別本增。

釋滯條。惟有巫咸。甘公。石申。海中。邠萌。七曜記之悉矣。刊本申訛中。據別本改。

明本條。旁綜幽隱。沙汰事物之臧否。刊本脫幽隱二字。據別本增。

僂藥條。喜在高岫險峻之地。刊本脫險字。又從石戶上。隨入僂蓋中。刊本脫上字。並據別本增。又去

本株一二丈。有以細根相連。狀如縷。刊本二下衍十八二字。據別本刪。又朱草芝九曲。曲有三葉。葉

有三寔也。刊本寔訛世。今改。又服五雲之法。或以桂葱水玉。刊本脫服字。據別本增。

卷三

辯問條。此則聖道可分之明證也。刊本複衍之明二字。今刪。

卷四

登下條。入山當以寶曰。刊本寶訛云。據樂絕二道改。

抱朴子外篇 晉葛洪撰

卷一

嘉遜條。幽贊太極。闡釋元本。刊本極下衍卑字。今刪。

逸民條。不出戶庭。潛志味道。刊本潛下衍至字。今刪。

勗學條。文梓干雲而不可臺榭者。未加班輸之結構也。刊本不可二字互倒。今改。

務正條。避其所短。則世無棄材矣。刊本短訛斷。今改。

周刑條。吞噬四鄰。咀嚼羣雄。刊本羣訛辟。今改。

卷二

審舉條。引用鴛庸以爲黨援。刊本衍複黨字。今刪。又不可以不立學官。而人自勤學矣。刊本學並訛樂。

今改。

名寔條。率其所舉。皆在乎附己者也。刊本附下衍舉字。今刪。

疾謬條。鴻羽所以沉龍舟。羣輕所以折勁軸。刊本輕訛車。據史記改。又所謂傲很明德。卽聾從昧。刊本

聾訛聾。據左傳改。

卷三

省煩條。不得其意。而欲以此爲生民之常事。刊本欲下衍以爲二字。今刪。

安貧條。今吾子替余以誨盜之業。刊本脫之字。今增。

仁明條。啁噍注。上竹交切。下子笑切。脫本脫下字。又笑切下衍嚼字。今並增刪。

卷四

辭義條。三辰摘景。非瑩磨之力。刊本磨訛。今改。

應嘲條。嫌難售而賤連城之價。余無取焉。刊本余訛餘。今改。

百家條。是偏嗜酸甜者。刊本酸下行。字。今刪。

自敘。所寫反覆。有字人。鈔能讀也。刊本讀下行書字。今刪。又守靜華門而無趨從之所。刊本從所二字。

互訛。今改。又乃心欲自勉強。令無不至。刊本心下行必字。今刪。

眞誥 梁陶弘景撰

卷十一

稽神樞。金陵者。洞虛之膏腴。句曲之地肺也。刊本虛訛天。今改。

茅山條。從峽中度。案峽。史記作狹。

卷十二

拔書佐袁安。注。袁安字邵公。刊本公訛平。據後漢書改。

文饒者。弘農劉寬也。注。後封遼鄉侯。刊本遼鄉訛遼卿。又諡曰昭烈侯。刊本烈訛討。並據後漢書改。

卷十三

杜契條。孫賁。注。有子四人。各名鄰。安熙績。刊本績訛疏。據三國志改。

卷十五

闡幽微紀瞻注。咸康八年。刊本康訛陽。據通鑑改。

卷十六

陶侃注。字士行。刊本行訛衡。據晉書改。

至孝者能感激鬼神注。乳乃爲生。刊本渾訛計。據後漢書改。

亢倉子 唐王士元撰

全道篇。我其的之人耶。案的。司馬彪莊子注作釣。郭象莊子注作杓。並與此異。又麗啜曰不然。刊本然訛者。據莊子改。又函車之獸。介而離山。罔罟制之。案介。元嘉本莊子作分。與此異。又橧乎堯舜之間。案橧。莊子作生。與此異。

農道篇。夫稼爲之者人也。生之者地也。養之者天也。刊本地天二字互訛。據呂氏春秋改。又得時之黍。穗不芒以長。案呂氏春秋無不字。又得時之麥。長稈而顛黑。刊本黑訛族。據呂氏春秋改。

續仙傳 唐沈汾撰

玄真子條。西塞邊。白鳥飛。案鳥。全唐詩作鷺。
馬自然條。況在道門。詎宜施之。刊本施訛勉。又忽大風雷。震石倒山。側作數截。刊本倒訛列。又脫山字。
並據雲笈七籤改增。

許碯條。到處皆於石崖峭壁。人不及處。刊本脫於字。又峭訛屋。並據雲笈七籤增改。又踏翻王母九霞。
觴。刊本踏訛揜。案神仙傳作誤翻。雲笈七籤作滔翻。全唐詩與太平廣記俱作踏翻。今據改。
金可記條。服氣鍊形。自以爲樂。刊本樂訛藥。據太平廣記改。
謝自然條。節度使韋臯奏之。案集仙傳作刺史李堅表聞。詔褒美之。與此異。

卷中

孫思邈條。精氣往來。刊本精氣二字訛作清而爲三字。據唐書改。又陽用其精。陰用其形。案唐書作陽。
用其形。陰用其精。又石立木踊。案木。舊唐書作土。並與此異。

許宣平條。隱居三十載。築室南山巔。靜夜玩明月。閒朝飲碧泉。案築。全唐詩作石。閒作清。又雲崔隔太。
虛。案崔。全唐詩作林。並與此異。

王可交條。今人時有見之者。刊本脫有之二字。據太平廣記增。

卷下

譚峭條。蓬萊信道無多地。案地。全唐詩作路。

雲笈七籤 宋張君房撰

卷一

唐開元皇帝道德經序。所以古清而今澆者。亦猶人幼愚而長慧也。刊本清訛稼。今改。

卷二

上清八景飛經。清氣為天。濁氣為地。刊本脫上為字。今增。

卷十一

心部章攝魂還魄永無傾。注氣忽變成兩清龍。刊本成訛盛。今改。

卷二十六

崑崙條。周旋三萬里。自生玉芝及神草。刊本玉訛千。據十洲記改。

卷二十八

王局治條。治應鬼宿。刊本治訛一。據下文改。

卷三十三

仙道忌十敗條。勿食父母本命肉。刊本母訛肉。今改。

卷五十四

上清飛步七星魂魄法。左攝流電。右御奔星。刊本右訛京。今改。

卷六十一

用氣集神訣。自天祐之。吉无不利。刊本自天訛天責。據周易改。

卷六十三

金丹訣。刊本脫金字。據下文增。

卷六十九

返妙砂篇。大礪砂半兩。刊本礪訛鵬。據本草改。

卷七十七

鎮魂固魄飛騰七十四方靈丸。白龍控轡。刊本白訛六。據下文改。

卷九十一

守弱條。與藥俱關。刊本與訛餘。據上文改。

卷九十四

收心論。至道之中。寂無所有。刊本道下衍故字。今刪。

卷一百七

茅梁山貞白先生傳。飄飄恆有雲間氣。刊本氣訛器。今改。

悟真篇注疏 宋張伯端撰 翁葆光注 元戴起宗疏

卷中

七言絕句便從一氣產陰陽注男女構精刊本構訛垢據周易改
異名同出少人知注其本則同刊本其訛則今改
西江月三句增一陽爻疏合三百六十時為一老刊本百訛十今改

古文龍虎經注疏 宋王道撰

卷上

神室設位注二用無爻位周流行六虛原本行訛遊 又包裹萬物為道紀綱原本道紀綱訛丹祖宗並
據參同契改

訣不輒造注日月為易剛柔相當原本當訛合據參同契改

寫情著竹帛又恐泄天符原本寫情著訛欲寫之據參同契改

於是玄潤光澤注稽古當元皇關雎建始初原本關雎建始訛鼎器之類據參同契改

卷中

坤初變成震注。七八道已訖。屈折低下降。原本道訛到。據參同契改。
乾坤括終始注。七八數十五。九六亦相當。原本當說應。據參同契改。

卷下

火煉中宮土注。五六三十度。度竟復更始。原本更訛終。據參同契改。
土鎮中宮注。明堂布政。國無害道。原本明堂布政。訛作克明正德。又閉塞其兌。築固靈株。原本株訛根。
並據參同契改。

道藏目錄詳注 明白雲霽撰

卷一

盈字號。高上玉皇心印妙經注。履踐天光。呼吸玉清。原本複衍光字。今刪。
爲字號。東廚司命注。與土司二儀同卷。原本儀訛命。據本書篇目改。

卷二

字字號。太上洞玄注。法燈者規矩之謂。規圓矩方。萬物從之得正。燈乃有光之物。佐月嗣日。原本燈並訛。
燭。據上文改。

鞠字號。天台山志注。當牛女之分。上應台宿。原本牛女訛斗牛。台訛合。並據陳耆卿赤城志改。

卷三

畫字號。崑山太無先生氣經注。調氣液訣。原本脫液字。案上文已有調氣訣。不應重見。今據下文幼真元氣訣注增。

卷四

甚字號。素履子注。與天隱子同卷。原本卷下衍三卷二字。據上文總目刪。
始字號。道典論注。卷一之四。案鄭樵通志道典論三十卷。與此異。
承字號。上清九天上帝百神內名經。原本百神訛祝百。據下文改。

革象新書 元趙友欽撰

卷一

論日至之景。日高則行天必久而晝長。晝長則人間陽氣積多而暑。日低則行天不久而晝短。晝短則人間陽氣漸少而寒。案此條論日之長短。氣之寒暑。專以高低氣積言之。合之周髀算經。于法並疏。
論天周歲終。大不可知其體。但以經星言之。案此論于理未合。

論曰道歲差。黃道歲歲不由舊路。案此條訛以歲寔消長與恆氣冬至合爲一事。蓋仍一行諸人之謬。其言黃道歲歲不由舊路。尤足滋惑。

卷二


論天地正中。案此條以天地遠近及以北極定東西定南北之法。語皆疏舛。

卷四

論蓋天舛理。案此條所引蓋天之說。乃後人附會。不可據以爲攻詰之端。

天官翼 明董說撰

太初厯。元辨勒兵十八萬騎。原本勒訛勃。據漢書改。又凡六祠政。大祝領之。原本六訛云。據史記改。



四庫全書考證卷七十四

集部

楚詞補注

山帶閣注楚詞

蔡中郎集

曹子建集

嵇中散集

昭明太子集

江文通集

庾子山集

盈川集

盧昇之集

陳拾遺集

四庫全書考證

卷七十四

李北海集

三〇八

楚詞補注 宋洪興祖撰

卷一

離騷經字余曰靈均注。旣冠而字之。刊本而訛以。據禮記改。

卷二

湘君篇。葆壁兮紫壇注。陸璣曰。刊本璣訛機。據詩疏改。

卷九

招魂篇。玄蠶若壺些注。有赤蟻其狀如象。案狀文選注作大。

山帶閣注楚詞 國朝武進蔣驥撰

卷一

離騷。矯菌桂以紉蕙兮。原本蕙訛蘭。據王逸本改。又虺蛟龍以梁津兮。案以王逸本作使。

卷二

九歌。登白蘋兮聘望。與佳期兮夕張。案王逸本無登字。

卷三

天問。應龍何畫。河海何歷。案王逸本作河海應龍。何畫何歷。又焉有虬龍。負熊以遊。原本虬龍二字互倒。據王逸本改。

卷四

九章。忠何辜以遇罰兮。亦非余之所志也。案余字下。王逸本有心字。又巧鍾不斷兮。孰察其揆正。案揆。王逸本作撥。此從史記。

卷六

招魂。歸來反故室。敬而無妨些。原本脫來字。據王逸本增。

楚詞餘論篇上

九歌條。少司命云。夫人兮自有美子。案兮字。文選在有字下。

蔡中郎集 漢蔡邕撰

卷二

被收時表。臣被尚書召問。刊本問訛問。今改。

卷三

月令問答。晉程鄭為乘馬御。刊本程訛陳。據左傳改。

曹子建集 魏曹植撰

卷三

喜霽賦。指北極以爲期。吾將倍道而兼行。刊本脫指字。據百三名家集增。

寶刀賦。烏獲奮椎。歐冶是營。扇景風以激氣。飛光鑑于天庭。爰告祠于太乙。乃感夢而通靈。然後礪以五方之石。鑿以中黃之壤。刊本脫烏獲奮椎至乃感夢而通靈六句。據百三名家集增。

卷四

離繳雁賦。尋淑類之殊異兮。稟上天之休祥。含中和之純氣兮。赴四節而征行。遠玄冬於南裔兮。避炎夏于朔方。白露淒以飛兮。秋風發乎西商。感節運之復至兮。假魏道而翱翔。接羽翮以南北兮。情逸豫而永康。望范氏之發機兮。播纖繳以凌雲。挂微軀之輕翼兮。忽頽落而離羣。刊本脫尋淑類之殊異兮。稟上天之休祥二句。又脫白露淒以飛兮。至播纖繳以凌雲八句。並據百三名家集增。

卷七

孔廟頌。刊本孔廟訛作學官。據百三名家集改。

班婕妤贊。盈冲其驕。窮其厭悅。在夷艱貞。在晉三接。刊本悅訛在窮字上。又夷艱訛作漢夷。並據百三名家集改。

卷八

請招降江東表。蓋善論者不恥謝。善戰者不羞走。刊本脫上善字。又走訛去。並據魏志增改。

陳審舉表。刊本缺陳審舉三字。據百三名家集補。

諫伐遼東表。吳起東南則荆揚騷動。刊本起訛越。又脫則字。並據百三名家集增改。

卷九

致司馬仲達書。今賊徒欲保江表之城。守區區之吳爾。無有爭雄于字內。角勝于平原之志也。刊本守區

區之吳爾六字訛作守歐吳耳四字。又脫內字。並據百三名家集增改。

卷十

漢二祖優劣論。用武略以攘暴。興義兵以掃殘。神光前驅。威風先逝。刊本掃殘訛殘賊。又風訛光。逝訛遊。

並據百三名家集改。

嵇中散集 魏嵇康撰

卷二

琴賦。琳縹離纒。刊本琳訛慊。據文選改。

與山巨源絕交書。已爲未見恕者所怨。刊本者訛皆。據文選改。

卷三

養生論可有之耳。刊本可訛不據文選改。

卷九

吉凶攝生論。今憤妖忌。因欲去日。何異惡鄭衛而滅韶武耶。刊本異訛二。今改。

昭明太子集 梁蕭統撰

卷二

七召。案文苑英華作何遜。百三名家亦入何遜集。又冬霰積庭。室靡人聲。刊本室訛空。又麟脯追復。而不盡。犢魚稍割其無傷。刊本脫麟字。又雁聞弦而跼跼。猿抱木而啾啾。刊本下跼字訛墮。又言無幽而不顯。刊本言訛然。並據文苑英華增改。

卷三

請停吳興丁役疏。伏聞當發王弁等上東三郡民丁開漕溝渠。刊本弁訛奕。民丁二字訛作人字。又惟義興去秋有稔。刊本義興訛信義。並據梁書改。

江文通集 梁江淹撰

卷一

丹砂可學賦。訊名山及石室。驗青汞與丹砂。刊本訊訛信。今改。
四時賦。何嘗不夢帝城之阡陌。刊本脫嘗字。據汪士賢本增。
別賦。日下壁而沉彩。刊本彩訛影。據文選改。

思北歸賦。具林石之巘岼。刊本林石二字互倒。據張溥本改。又鷹隼戰而檣巢。刊本檣訛檣。今改。

卷二

爲蕭驃騎讓封第二表。飾小故亂大。刊本亂訛辭。據張本改。

卷三

勅爲朝賢答劉休範書。款徵請吏。刊本請訛清。據張本改。

齊太祖高皇帝誄。雄略世出。刊本世出二字互倒。據汪本改。又悲魏侯之戀譙。刊本魏訛衛。據魏志改。

銅劍讚。風胡專精。刊本風訛夙。據越絕書及吳越春秋改。

雲山讚。其四。爲我道音芬。刊本音訛奇。據汪本及江本改。

卷四

雜詞。黜爲閩山長吏。案閩汪本江本作中。吏作史。與此異。

採菱曲。梁龍非逐俗。刊本梁訛乘。據汪本江本改。

從征虜始安王道中乘笏從帷幕刊本乘訛乘據汪本江本改。

無錫縣歷山集愁生白露日刊本愁訛秋據古詩紀改。

貽袁常侍幽冀生碧草按幽冀汪本江本作憂怨與此異。

從蕭驃騎新帝壘據險冒戈塚刊本據訛綿據江本改。

雜體三十首序芳草寧共氣而皆悅於魂刊本氣訛棄據文選改。

悼室人其十臨風返故居刊本返訛吹據汪本江本改。

庾子山集周庾信撰 錢塘倪璠纂注

卷首上

年譜大同十一年注十月遣中書舍人尉瑾使梁刊本尉訛慰據魏書及北史改。

承聖二年注本傳聘於西魏刊本西訛東據北史改。

敬帝注改元紹泰在位三年刊本紹泰二字互倒據梁書南史及通鑑改。

大象二年己酉劉昉鄭譯矯制以隋國公堅受遺輔政刊本脫劉昉鄭譯四字據北史及通鑑增。

卷首下

原序秋風黃竹之詞注我祖黃竹員闕寒案穆天子傳竹下原闕一字此引作七言誤。

標帙細囊之記注。荀勗穆天子傳序。刊本荀勗訛郭璞。據穆天子傳改。又辨九拜之儀注。周禮宗伯太祝之職云辨九擗。刊本太祝訛禮官。據周禮改。

卷一

華林園馬射賦。周王玄圃之前猶驂八駿。注。郭璞注。紀年曰。穆王十七年西征於崑崙見西王母。淮南子曰。崑崙山去地一萬一千里。上有曾城九重。刊本脫注字。今增。又案今本穆天子傳注止有淮南子一段。無引紀年文。蓋傳寫脫去。又成均樹羽注。犬司樂掌成均之法。以治建國之學政。刊本治訛教。政訛校。據周禮改。又詩曰。崇牙樹羽。刊本脫樹羽二字。今增。

小園賦。五月披裘見尋。注。公投鎌。噴目拂手而言。刊本公字訛在鎌字下。據高士傳改。又龜言此地之寒。注。太卜佐高魯。刊本脫魯字。又魯於夢中自解。刊本魯訛高。並據水經注增改。

春賦。日晚河邊多解神。注。因此處立爲曲水祠。刊本脫處字。祠字。並據續齊諧記及初學記。藝文類聚增。卷二

哀江南賦。楚老相逢。注。傷其身事二姓。絕紀唐矣。案漢書兩龔傳論云。郭欽蔣翊好懸不污。絕紀唐矣。師古注。言欽翊不污其節。殊於紀遂及兩唐。此乃以身事二姓爲絕紀唐誤。又星漢非乘槎可上。注。見一丈夫牽牛渚次飲之。刊本脫次字。據博物志增。又辨帝星之夜落。注。遣其行臺郎中丁和上表求降。刊本脫郎字。據梁書增。又望廷尉之逋囚。注。蘇峻討王敦有功。封公。遷歷陽太守。刊本陽訛隱。據

晉書改。又拒神亭而亡戟。注。策已平定宣城以東。刊本脫已字。及城以東三字。據三國志增。又李陵之雙鳧永去。注。蘇武別李陵詩。刊本李陵訛蘇武。又子當留斯館。我當歸故鄉。刊本歸訛留。並據古文苑及藝文類聚改。

卷三

奉報寄洛州長旂析烏羽。注。建雄虹之長旂。案長旂。後漢書馬融傳作旌夏。奉報窮秋寄隱士詩。藜牀負日臥。麥隴帶經鋤。刊本臥訛荷。據吳兆宜本改。擬咏懷詩。生平知己恩。注。易坤靈圖。刊本坤訛川。今改。又其覺乃于于。注。秦氏其臥徐徐。刊本脫臥字。據莊子增。

卷四

奉和趙王西京路春日。風鳥疑近日。注。郭緣生述征記。刊本緣訛延。據水經注改。和裴儀同秋日。注。命與盧辯依周禮建六官。并撰次朝儀。刊本儀訛議。據北史改。對宴齊使詩。林寒木皮厚。注。江南沃饒。每至還河北。體肥不能高飛。刊本脫北字。據古今注增。反命河朔始入武州詩。知余生入關。注。臣不敢望到酒泉。刊本到訛頭。據漢書改。奉和永豐殿下言志詩。安知係慘舒。注。夫人在陽時則舒。刊本脫則字。據文選增。衛王贈桑落酒奉答。高陽今日晚。注。山公時一醉。逕造高陽池。刊本造訛在。據世說改。

卷五

道士步虛詞。漢帝看桃核。注。母以四顆與帝。刊本脫以字。又與訛爲。並據漢武內傳增改。
烏夜啼。注。籠牕牕不開。夜夜望郎來。刊本開下衍烏夜啼三字。又桂樹懸知遠。注。烏生八九子。端坐秦氏桂樹閒。刊本氏訛樹。並據樂府刪改。

卷六

登歌坏蟄戶。注。蟄蟲益戶謂稍小之也。刊本戶訛之。小訛中。並據禮記注改。

周祀宗廟歌。閒安象設。注。像設君室。靜閒安些。刊本脫些字。據楚詞增。又風雲猶聽命。注。夜夢抱子昇天。纔不至而止。寤而告德皇帝。刊本寤下衍言字。據周書本紀刪。

宮調曲。青丘還擾圃。注。青丘在南海辰巳之地。刊本辰訛底。據十洲記改。

羽調曲。雲玉葉而五色。注。黃帝與蚩尤戰于涿鹿之野。常有五色雲氣。刊本色訛氣。據古今注改。

卷八

謝滕王集序啓。卽日金門細管。未動春灰。注。內庫外高。刊本脫內字。據續漢志增。

答趙王啓。塞外有夫人之城。注。士氣衰而鼓不啓者。何也。刊本土氣訛土地。據漢書改。

謝趙王示新詩啓。遣騎至鄴。注。魏文帝與朝歌令吳質書。刊本與下衍梁字。據文選刪。

謝趙王賁犀帶等啓。魏君寶帶。特賜劉楨。注。楨聞荆山之璞。刊本聞訛明。據三國志改。

謝趙王賈乾魚啓終年垂釣。注。任公子爲大鈎巨緇。五十韜以爲餌。刊本緇訛綸。據莊子改。

卷九

擬連珠。是以劉琨之英略。莫知自免。注。都督并冀幽三州諸軍事。刊本脫幽字。據晉書增。
代郡霜妻之哭。注。廚人操銅材以食代王及從者。刊本操訛探。又遂與兵平代地。刊本與訛因。並據史記改。

博士留秦。注。於是孔甲爲涉博士。刊本甲訛卑。據漢書改。

卷十

漢武帝聚書讚。秦儒出谷。注。種瓜於驪山礪谷中溫處。刊本瓜訛冬。今改。

朱雲折檻讚。注。雲攀殿檻。檻折。刊本脫殿字。又此臣素著狂直。刊本著訛舊。並據漢書增改。

卷十二

思舊銘。既非金石所移。注。人生非金石。刊本生訛壽。據文選改。又焚香複道。注。長安中百里咸聞香氣。

刊本咸訛盛。據博物志改。

吹臺山銘。青槐避日。注。樓槐守宮槐。葉晝聶宵炕。刊本聶下衍而字。據爾雅刪。

卷十三

周上柱國齊王憲神道碑。今之周歷。注。立高祖以下三祖五宗神主而祭之。刊本下祖字訛宗。據十六國

春秋改。又克成厥勳。注。進圍洛口。收其東西二城。刊本脫口收二字。據周書增。又虎嘯風騰。注。劉峻廣絕交論。刊本脫廣字。據文選增。

周太子太保步陸逞神道碑。吳越之兵。注。官帥擁鐸建肥胡。刊本肥訛祀。據國語改。周大將軍司馬裔神道碑。開金牛之道。注。梁州刺史楊乾運。刊本脫運字。據周書增。

卷十四

周柱國大將軍紇干弘神道碑。都督原州諸軍事。注。雍州平涼郡。刊據涼訛涇。據隋書地理志改。又獸則相負渡江。注。均到。下記屬縣。可一去檻穿。刊本一去二字互倒。據後漢書改。

周柱國大將軍爾綿永神道碑。昔者昌意降居。初分若水之姓。刊本降訛陵。又南鄙徵兵。公受脈偏師。一月三捷。刊本兵公二字互倒。並據吳本改。又夫人赫連氏。注。赫連勃勃之後也。刊本連訛赫。今改。周車騎大將軍賀婁公神道碑。青城仙洞。注。從高祖過濟北。刊本過訛從。據漢書改。又火井星浮。注。後人以火燭投井中。刊本脫投字。據後漢郡國志注增。又途登石紐。注。家於西羌。地曰石紐。刊本地曰訛家於。據吳越春秋改。

周上柱國河州都督普威神道碑。是以行滿天下。注。行滿天下無怨惡。刊本下訛地。據孝經改。又箭飲石梁。劍然銅柱。刊本柱訛樹。據吳本改。

周兖州刺史宇文公神道碑。湛盧終去。注。是五金之英。刊本金訛山。又萬戶之都。刊本戶都二字互

訛。又雖傾城量金。珠玉盈河。猶不能得此寶。刊本城訛金。並據吳越春秋改。
周隴右總管長史豆盧公神道碑。對於楚戰。注。軍吏患之。刊本脫軍字。據左傳增。又外總連帥。威鎮百
城。刊本闕威鎮二字。又事總歲成。功參月要。刊本月訛日。並據吳本補改。又立身則十世可宥。注。
猶將十世宥之。以勸能者。刊本猶訛天。據左傳改。又校戰岐陽。注。岐山在西北中水鄉。刊本在訛居。
據漢書地理志改。

卷十五

周大將軍鄭偉墓誌銘。祖徹。注。卒後贈濟州刺史。刊本卒後贈三字。訛作至字。據吳注及周書本傳改。
又公憑軾棧車。言歸舊壤。刊本公下衍之字。據吳本刪。又被練於伊闕。注。組甲三百。刊本三訛八。據
左傳改。又授大將軍江陵防主。刊本軍下衍事字。據吳本刪。又雖復銜珠兩鶴。注。顧野王符瑞圖。
刊本脫顧野二字。王訛玉。並據隋書增改。又成臯塵起。注。漢王引兵渡河。取成臯。軍廣武。刊本兵下
衍入字。又脫軍字。並據漢書注刪增。

周驃騎大將軍侯莫陳道生墓誌銘。永安三年。注。後從賀拔勝鎮井陘。刊本井訛五。據周書改。

周車騎大將軍宇文顯和墓誌銘。黃公衡之決事。注。魏明帝問權。天下鼎立。當以何地爲正。刊本問訛卽。

據三國志注改。

周大將軍吳明徹墓誌銘。德被諸侯。刊本被訛教。據吳本改。又軍幕猶張。注。令軍中並修攻具。刊本中

訛州。據南史改。又昔者裨將失律。注。右將軍建前將信軍並軍三千餘騎。刊本信下衍與匈奴三字。

又囚建詣行在所。刊本在所二字互倒。又入塞罷兵。刊本兵訛去。並據史記刪改。

周大將軍柳遐墓誌。並存靈應。咸可傷嗟。刊本應訛柩。據吳本改。又事重史丹。注。是時傳昭儀子定陶

共王。刊本子訛於。據漢書改。

周大將軍義興公蕭太墓誌銘。刊本太訛公。據吳本改。又太祖文皇帝之孫。注。創建王業。摧鋒決勝。刊

本脫決勝二字。據梁武帝紀增。又有詔贈官諡某。注。贈本官加并。洺。永三州刺史。刊本脫贈字。據周

書增。

周大將軍趙公墓誌銘。還願空營。注。其故吏儀同李充信等。刊本充信訛信允。據周書改。

卷十六

周譙國公夫人步陸孤氏墓誌銘。三江席卷。注。三江謂松江。錢塘。浦陽江。刊本浦訛江。據國語注改。

周趙國夫人紇豆陵氏墓誌銘。有聞於師氏。注。毛傳。師。女師也。刊本脫下師字。據毛詩傳增。又定姜問

兆。注。孫文子卜追之。刊本脫卜字。據左傳增。又猶垂雉服。注。祭羣小祀服闕翟。刊本脫祀字。據周禮

注增。

周安昌公夫人鄭氏墓誌銘。承巾奉箒。注。鹽卒授巾。刊本脫鹽字。據禮記增。

周大將軍隴東郡公侯莫陳君夫人竇氏墓誌銘。有子從政。注。公父文伯退朝。刊本伯下衍之母二字。據

後魏驃騎將軍賀拔夫人元氏墓誌銘。憂在進賢。注。引詩序本文。刊本脫在字。據毛詩序增。

周冠軍伯柴烈李夫人墓誌銘。星凋玉井。月揜金波。刊本揜訛捐。據吳本改。

伯母東平郡夫人李氏墓誌銘。一門三公。注。初暑效穀令。刊本效穀二字互倒。據晉書改。又平且纒筭。

注。足以韜髮而結之矣。刊本足訛起。據儀禮注改。又澣濯之衣。注。衣。謂褱衣。下至祿衣。刊本脫上衣。

字。據詩箋增。又日南長至。注。周正月。今十一月。刊本脫今字。據左傳注增。

盈川集 唐楊炯撰

卷一

渾天賦。儻隸首之重生。亦不能成其筭也。刊本隸訛程。又須女主布帛。刊本帛訛幣。又太平太蒙所。

以司其出入。刊本蒙訛象。又其後宋有子章。鄭有裨竈。刊本章訛禕。並據文苑英華改。

庭菊賦。獨邪滌療。于焉永貞。刊本獨訛觸。今改。

浮漚賦。盈輕徘徊。容與庭隈。刊本隈訛懷。據文苑英華改。

卷二

和蹇右丞省中天門總樞轄人境辨衣簪。刊本門訛明。據全唐詩改。

卷三

王勃集序。綜六藝以成能。刊本綜訛絕。今改。

卷四

遂州長江縣先聖孔子廟堂碑。都市三言。終有山君之暴。刊本山訛三。今改。

卷七

唐恆州刺史建昌公王公神道碑。天垂兮星紀。地連兮交趾。刊本垂訛童。據文苑英華改。

卷九

鄴國公墓誌銘。宋之戴公尙聞商頌。刊本宋訛魯。據詩序改。

從弟去盈墓誌銘。高掌遠矚。刊本掌訛集。據文選改。

卷十

左武衛將軍成安子崔獻行狀。推其天命。南端上將之文。刊本文訛女。又奄息百夫之特。刊本奄訛苟。

並據文苑英華改。

盧昇之集 唐盧照鄰撰

秋霖賦。野陰霾而自晦。原本自訛因。又關山天骨。霜露彫年。原本露訛木。又屋滿鉛槧。家虛僂石。原

本滿訛漏。並據賦彙改。

馴鷺賦。退慙歸昌之譽。原本慙訛暫。又聽鳴雞於月曉。原本鳴訛羣。並據賦彙改。

窮魚賦。競下任公之情。原本情訛鈞。又曳綸垂鈞。原本垂訛爭。並據賦彙改。

病梨樹賦序。自云開皇辛丑歲生。今年九十三矣。原本丑訛酉。按上文癸酉。係唐高宗咸亨四年。上推九

十三年得開皇元年辛丑。若辛酉乃仁壽元年。至癸酉。僅七十三年矣。今據改。

詠史。何必疲執戟。原本疲訛披。據全唐詩改。

宿晉安亭。舊石開紅蘚。原本蘚訛檻。據全唐詩改。

至望喜。矚目言懷。思北常依馭。原本依訛作。據全唐詩改。

贈益府羣官。不息惡木枝。原本息訛識。據文選改。

卷二

梅花落。天山雪未開。原本雪訛雲。據全唐詩改。

石鏡寺。隱隱香臺夜。原本夜訛衣。據全唐詩改。

七夕泛舟。鳳杼秋期至。山本鳳訛風。據全唐詩改。

卷三

宴梓州南宮。願得迴三舍。原本舍訛合。今改。

贈許左丞從駕萬年宮。寂寂芸香閣。原本閣訛樹。據全唐詩改。

同崔錄事哭鄭員外。湘水弔王孫。原本湘訛湖。今改。

卷四

悲才難。何始吉兮初征。悲終凶於未濟。原本始訛如。據文苑英華改。

獄中學騷體。凋綠葉兮吹白雲。原本綠訛白。據全唐詩改。

卷五

釋疾文。悲攢變兮憂戢香。原本悲訛業。又太乙之居兮無不利。原本居訛車。並據文苑英華改。

卷六

對蜀父老問。攘袂而陵稷卨。原本卨訛禹。據文苑英華改。

卷七

益州長史胡樹禮爲亡女造畫讚。偉歎大士。宏茲遠致。原本茲訛茲。據文苑英華改。

陳拾遺集 唐陳子昂撰

鹿尾賦。原本鹿訛塵。又此仙都之靈獸。原本仙訛先。並據唐文粹及賦彙改。
感遇。其三十二。疲疴苦淪躓。案躓。全唐詩作世。

觀荆玉篇序。余驟然而笑。原本脫余字。據全唐詩增。又驟訛驟。據莊子改。

卷二

秋園臥疾呈暉上人。幽寂曠日遙。原本寂訛疾。據全唐詩改。

卷三

爲陳御史上奉和秋景觀競渡詩表。黃竹申歌。周舞瑤池之駕。原本周訛唐。據文苑英華改。
爲赤縣父老勸封禪表。必升封於厚載。原本厚訛唐。據文苑英華改。

卷四

爲河內王等論軍功表。剗印在手。萬夫以離。原本剗訛刑。據史記改。

卷五

昭夷子趙氏碑。本居河間。原本間訛澗。據唐文粹改。

梓州長史楊府君碑。有楊寶者。原本寶訛寔。又迨震。乘。賜。彪。四代五公。原本乘訛康。又賜彪二字互倒。
並據後漢書改。又來暮之頌。復起於斯。原本來暮訛會來。據文苑英華改。

梓州居士陳君碑。量腹而食。度身而衣。原本度訛愛。據文苑英華改。

卷六

王府君墓誌。父諱唐虞部郎中。荊州大都督府司馬。原本脫都字。據文苑英華增。

高府君墓誌銘。試守永州湘源縣尉。原本永訛泰。考唐書地理志。湘源縣屬永州。文苑英華亦作永。今據改。

卷七

大周受命頌。赤雀章九萬八千。天授皇年。原本九萬訛久九。據全唐詩改。

卷八

重任刑科。必神皇如此任賢。則天下之賢雲集矣。原本脫必神皇如此任賢七字。據歷代名臣奏議增。
牧宰。臣有計。然甚鄙近。未能著於書。原本未訛來。據歷代名臣奏議改。

卷九

諫靈駕入京書。生靈日沐皇風。原本靈訛聖。據舊唐書及唐文粹改。又故雖周公制作。夫子著明。原本明訛名。又天下和平。恭己正南面而已。原本和訛利。並據舊唐書及文苑英華改。

卷十

爲蘇令本與岑內史啓。舅又曲垂顧念。恩甚庭闈。原本甚訛其。據文苑英華改。

李北海集 唐李邕撰

卷一

鬪鴨賦。駐江妃之往棹。留海客之歸槎。刊本妃訛汜。據文苑英華改。
附高適和鶴賦。始滅沒而略地。忽升騰而參雲。案參文苑英華作簪。與此異。

卷三


孔子廟碑。宋公用鄆。楚子閭鼎。刊本鄆訛創。據左傳改。

卷五

左羽林大將軍臧公神道碑。任英武兮出入孔休。刊本英訛莫。今改。

附錄

劉昫李邕傳。父善嘗受文選於同郡人曹憲。刊本文訛生。據舊唐書改。




四庫全書考證卷七十五

集部

分類補注李太白集

四庫全書考證 卷七十五

三三三



分類補注李太白集 元蕭士贊撰

卷一

大鵬賦。簸鴻蒙。扇雷霆。刊本簸上衍騰字。據文苑英華及賦彙刪。又不曠蕩而縱適。何拘擊而守常。刊

本脫此二句。應在跋烏晰耀於太陽句下。據文苑英華及唐文粹增。

擬恨賦。至如荆卿入秦。注。復為羽聲慷慨。刊本慨訛慷。據史記荆軻列傳改。又昔者屈原既放。注。子蘭

為令尹。刊本子訛至。據史記屈原傳改。又披血濡衣。注。武粉切。刊本粉訛扮。據廣韻集韻改。

惜餘春賦。想遊女於峴北。注。探之即亡矣。刊本亡訛之。據文選江賦注改。

愁陽春賦。野彩翠兮芊眠。刊本脫野字。又芊訛阡。據唐文粹增改。

明堂賦。貽聖謨於我皇。刊本貽訛始。據唐文粹改。又要離歛曜而外喪。注。汝天下之國士也。幸汝以成

名。刊本幸訛粹。據呂氏春秋改。又互以復道。注。史封禪書濟南人公玉帶。刊本封禪訛天官。又園

宮垣為復道。刊本垣訛舊。並據史記改。又養元氣。灑太和。按唐文粹及賦彙灑俱作酌。

大獵賦。吳騁走練。注。白馬出吳閶門。望之如一匹素練。刊本吳閶訛吳昊。據韓詩外傳改。又夫何神讐

鬼慄之駭人也。刊本讐訛扶。慄訛標。據唐文粹改。又稍鷓鴣。刊本鴣訛鴣。又殫地廬。空神居。刊本

殫訛殫。空訛與。並據文苑英華及唐文粹改。又莫不海晏天空。注。禮斗威儀。刊本威訛域。又旋騶

虞與麒麟注。厲身牛尾。刊本厲訛庸。今並改。又豈不與乎七十二帝同條而共貫哉。刊本脫不字。據文苑英華增。又訪廣成於至道。注。故往見之。曰。刊本脫曰字。又張若謔朋前馬。刊本謔訛諸。又亦奚以異乎牧馬者哉。刊本牧訛教。並據莊子在宥篇及徐無鬼篇增改。又使罔象掇元珠於赤水。注。黃帝遊乎赤水之北。刊本北訛塢。又遺其元珠。刊本遺訛潰。又乃使象罔。刊本象罔二字互倒。據莊子天地篇改。

卷二

古風其三。銘功會稽嶺。注。始皇二十七年行至錢塘。刊本三訛二。據史記秦始皇本紀改。又刑徒七十

萬。注。隱宮徒。刑者。刊本徒刑二字互倒。據史記改。又連弩射海魚。注。問占夢博士曰。刊本博訛傳。

又至之罘。見巨魚。刊本巨訛目。並據史記改。

其七。舉首遠望之。刊本首訛手。據文苑英華改。

其十一。一年貌豈長在。案全唐詩年貌作顏色。

其十四。赫怒我聖皇。注。玄宗承國家富庶。侈心動。刊本侈訛多。據唐書改。又李牧今不在。注。佯北不戰。

刊本佯訛洋。據史記改。

其十七。金華牧羊兒。注。黃初平。丹溪人也。刊本黃訛皇。又其兄初起入山索初平。刊本兄訛兒。並據神

仙傳改。

其十八。入門上高堂。注。茂陵富人袁廣漢。刊本袁訛裘。據西京雜記改。
其三十五。一揮成風斤。刊本風訛斧。據全唐詩改。
其四十四。坐嘆葑菲詩。注。鄭箋曰。刊本鄭箋訛惡炎。檢別本作孫炎。俱訛。今據毛詩注疏改。
其四十八。豈思農扈春。注。春扈鴉鷗。刊本鴉訛鷗。據左傳及爾雅改。

卷二

遠別離。蒼梧山崩湘水絕。注。湘水出靜江府興安縣陽海山。刊本陽海二字互倒。據漢書地理志及水經注改。又至德二載更名。刊本二訛三。據唐書地理志改。又湘水自陽海下全州。刊本湘字上訛衍。則漢二字今刪。

公無渡河。注。公竟渡河。刊本竟訛終。據古詩紀改。
蜀道難。地崩山摧壯士死。注。秦因使張儀司馬錯引兵。刊本錯訛諸。據戰國策改。又側身西望長咨嗟。注。從官六軍僅千三百人。刊本僅訛近。據唐書改。

梁甫吟。君不見高陽酒徒起草中。注。生入謁。刊本入謁訛。又謂。據史記酈生傳改。又大人覬覦當安之。注。世不我知。謂爲真愚。而輕我如鴻毛。刊本我訛食。據本詩正文改。

望筵謠。攀天莫登龍。刊本攀訛樊。據全唐詩改。又管鮑久已死。注。吾始困時。刊本脫時字。又知時有利不利也。刊本時字上衍我字。並據史記增刪。

夷則格上白鳩拂舞辭注。並晉人採集魏未亡國之前所作。刊本脫魏未二字。據文義增。又鑲形錫耆

人注。鳩者不噎之鳥也。刊本噎訛咽。據後漢禮儀志注改。

胡無人筋鋒精堅胡馬驕注。寒奠體冰析瀾。刊本瀾訛爵。據周禮考工記改。又劍花秋蓮光出匣注。越

絕書秦客薛燭善相劍。刊本越絕書訛吳越春秋。檢吳越春秋無此文。又越王取純鉤示之。刊本越

訛吳。又燭揚其華。梓如芙蓉始生。刊本燭揚其華訛作薛曰光乎。並據越絕書記寶劍篇改。

俠客行。吳鉤霜雪明注。爲鉤者衆而子獨求賞。刊本子訛不。據吳越春秋閭閻內傳改。又閒過信陵飲。

注。願枉車騎過之。刊本枉訛在。據史記信陵君列傳改。

卷四

獨漉篇注。夜衣錦繡。刊本衣訛求。據古詩紀改。又我欲彎弓向天射。刊本彎訛灣。今改。又注。如浮花

浪蕊。刊本蕊訛藥。據蘇子由欒城集改。又鵬搏九天注。此大鵬鵠也。刊本鵠訛離。今改。

雙燕離。憔悴一身注。謂放逐之餘。刊本餘訛余。今改。

鞠歌行。朝歌鼓刀叟注。積水爲渚。卽太公釣處。刊本渚訛陣。又今謂之丸谷。刊本丸訛凡。並據新校正

水經渭水注改。

王昭君注。石崇樂府王明君辭序。刊本崇訛嶺。據文選改。

相逢行注。長安有狹邪行。刊本邪訛利。據古詩紀改。

白頭吟。一朝將聘茂陵女。注。皚如山上雪。刊本訛作曉如山下雲。又聞君有兩意。刊本聞君訛良人。又故來相訣絕。刊本來訛與絕訛別。又今日斗酒會。刊本會訛間。又蹀躞御溝上。刊本御溝訛作溝水。並據古詩紀改。

臨江王節士歌。風號沙宿瀟湘浦。注。湘水自陽海發源。刊本源訛泝。並據水經注改。司馬將軍歌。揚兵習戰張虎旗。注。烏隼爲旗。刊本隼訛集。旗訛游。據周禮司常職改。又細柳開營揖天

子。注。皇帝敬勞將軍。刊本敬訛來。據史記及漢書改。

結襪子。感君恩重許君命。刊本感君訛感吾。據全唐詩改。

長干行。早晚下三巴。注。閩白二水東西流。刊本二訛三。今改。

白紵詞。其三。激楚結風醉忘歸。注。案此三篇句意字面。刊本句訛可。面訛固。今並改。

幽州胡馬客歌。天驕五單于。注。屠者信讒。殺右賢王父子。刊本父子下複衍父子二字。又烏籍都尉。刊

本脫尉字。並據漢書匈奴傳增。又牛馬散北海。注。北海卽瀚海也。刊本瀚訛上。今改。

卷五

君子有所思行。注。王僧虔技錄。君子有所思行。刊本脫思字。據本詩題增。

東海有勇婦。梁山感杞妻。注。則雖非五乘孰不汝笑也。刊本笑訛哭。又是汗吾行也。刊本汗訛少。又

隰侯重杖楯伏炭。刊本炭訛哭。並據劉向說苑改。又樂府。杞梁妻者。杞植妻妹朝日所作也。案崔豹

古今注朝日作明月。與此異。又關弓射之。刊本關訛開。又矢摧無迹。刊本摧訛釋。並據劉向新序改。

白馬篇。秋霜切玉劍。注以切玉斷金如刻削土木。刊本句下衍九隨風三字。據王子年拾遺記刪。又從軍向臨洮。注唐志隴西道洮州臨洮郡。刊本西訛有。據唐書地理志改。

塞下曲。其三。陣解星芒盡。刊本陣訛車。據全唐詩改。

塞上曲。命將征西極。注侯應曰北邊塞至遼東外有陰山。刊本侯應二字互倒。遼訛其。並據漢書匈奴傳改。

玉階怨。玉階生白露。刊本生訛坐。據全唐詩改。

襄陽曲。其二。山公醉酒時。注諸習氏有佳園池。刊本脫氏字。又日暮倒載歸。刊本暮訛久。並據晉書山簡傳改。

宮中行樂詞。其五。綠樹聞歌鳥。注天授鳥歌。武后作也。刊本授訛受。據唐書禮樂志改。鼓吹入朝曲。槌鐘速嚴糲。刊本糲訛收。據全唐詩改。

秦女休行。何慙聶政姊。注因自皮面決眼。刊本皮訛破。決訛抉。案此引史記文。今據改。

卷六

發白馬旌節渡黃河。注掌達天下之六節。刊本下訛子。又門關用符節。刊本關訛關。並據周禮小行人

職改。又邊烽列嵯峨。刊本烽訛鋒。據文苑英華改。

陌上桑。妾本秦羅敷。注。羅敷前致辭。使君一何愚。刊本前字一字俱訛。並據郭茂倩樂府改。

枯魚過河泣。栢人以爲讖。注。上過欲宿。刊本過欲二字互倒。據史記張耳傳改。

丁都護歌。一唱都護歌。注。自小抵至雲陽。刊本抵訛其。今改。

紫騮馬。白雪關山遠。刊本雪訛雲。據全唐詩改。

子夜吳歌。其二。鏡湖三百里。注。後漢馬臻。順帝永和五年爲太守。刊本五訛九。據曾鞏越州鑑湖圖序改。

長相思。此曲有意無人傳。注。此亦戍婦詞也。刊本婦訛歸。今改。

卷七

西嶽雲臺歌。丹邱談天與天語。注。將不利於丹邱。刊本於訛爲。今改。

元丹邱歌。暮遠嵩岑之紫煙。注。山小而高曰岑。刊本山訛小。據爾雅改。

扶風豪士歌。飲酒豈顧尙書期。注。母乃令從後閣去。刊本去訛入。據漢書陳遵傳改。又原嘗春陵六國

時。注。齊威王少子田嬰。刊本嬰訛異。據史記孟嘗君列傳改。

白毫子歌。八公攜手五雲去。注。何以年老逆見嫌耶。刊本老訛貌。據神仙傳改。

鳴臯歌。送岑徵君。注。西施負薪。刊本薪訛辛。據本篇文改。又若有人兮思鳴臯。注。河南郡陸渾縣有鳴

臯山。刊本郡訛時。今改。又西施負薪。注。妬佳冶之芬芳兮。刊本妬訛爐。佳訛加。據楚詞改。

勞勞亭歌。昔聞牛渚吟五章。注。嶠然犀角照之。刊本然訛燬。今改。
僧伽歌。真僧法號號僧伽。注。掘得古香積寺銘記。刊本寺訛詩。今改。
笑歌行。賣身買得千年名。注。子貢過漢陰。刊本漢訛淮。據莊子改。

卷八

秋浦歌。其三人間天上稀。刊本上訛工。據全唐詩改。

其五。超騰若飛雪。刊本飛訛冰。據文苑英華及全唐詩改。

當塗趙炎少府粉圖山水歌。東厓合沓蔽輕霧。刊本合訛含。據全唐詩改。

永王東巡歌。注。其子襄城王陽剛驚乏謀。刊本傷訛楊。又璘使傷仙琦逆擊之。刊本擊訛聲。並據唐書

改。

其四。龍蟠虎踞帝王州。注。當觸景而思。刊本觸訛融。今改。

其七。王出三山按五湖。注。舊經謂貢湖。游湖。胥湖。梅梁湖。金鼎湖。考禹貢各家說。周禮職方注。史記。漢書。

文選注。俱無梅梁湖金鼎湖之說。此所引舊經。未知何本。又酈善長謂長蕩湖。上湖。貴湖。瀉湖。與太湖

而五。刊本蕩訛塘。脫貴湖二字。據新校正水經注改增。又章昭云。胥湖。蠡湖。桃湖。瀉湖。就太湖而五。案

章昭越語注。及史記河渠書集解。引章昭語俱云五湖。即太湖。並未分列五名。此所云。疑他人說誤。屬

章昭者。無可考。古乃之。

其八長風掛席勢難迴注徑造三山刊本三訛二據晉書王濬傳改

上皇西巡南京歌其八秦開蜀道置金牛注玄宗幸蜀至成都過此刊本幸蜀訛符獨據唐書改

清溪行清溪清我心注清溪屬宣城刊本宜訛冥據本詩題注改

酬殷明佐見贈五雲裘歌著令山水含清暉刊本著訛晉據全唐詩改又注此言裘上之畫刊本畫訛

書今改

草書歌行少年上人號懷素注自言草聖三昧刊本昧訛株今改

和盧侍御通塘曲梁鴻德耀會稽日注字之曰德耀名孟光刊本脫名字又爲人質春刊本質訛積並

據後漢書逸民傳增改

卷九

贈從兄襄陽少府皓小節豈足言刊本小訛少據全唐詩改

贈徐安宜翳君樹桃李刊本樹訛獨據文苑英華及全唐詩改

贈任城盧主簿海鳥知天風注展禽曰今茲海有災乎刊本脫曰字據魯語增

贈范金卿其一乃與燕石齊注端冕玄服以發寶刊本寶訛實又革匱十重刊本匱訛圓又俛首掩

口刊本首訛而掩訛挽並據戰國策改

贈丹陽橫山周處士沈泉笑探珠注禾生子伯范氏之上客刊本禾訛未又子華之門徒皆世族刊本

族訛俗。又聞譽范氏之勢。刊本譽字訛作一言。又不知形體之所措。刊本措訛借。又追幸昔日之不焦溺也。刊本脫幸字。又怛然內熱。刊本內訛而。並據列子黃帝篇增改。

玉真公主別館其二。一斛薦檳榔。注。劉穆之世居京口。刊本世訛由。據南史劉穆之傳改。

贈韋侍御黃裳二首。刊本章訛章。據全唐詩改。

讀諸葛武侯傳臥龍得孔明。注。蜀志諸葛亮傳。亮躬耕隴畝。好爲梁父吟。刊本諸葛亮傳至梁父吟十四

字訛在下。凡三往乃見之下。又諸葛孔明臥龍也。刊本龍下衍人字。又唯崔州平徐元直與亮友

善。刊本元訛厓。並據三國志改。

溫泉侍從歸逢故人。注。天寶元年更驪山曰會昌山。析新豐萬年置會昌縣。六載更溫泉曰華清宮。刊本

脫更驪山至六載十八字。又治湯井爲池。刊本湯訛陽。池訛地。又更會昌縣及山曰昭應。刊本脫

縣字。山訛泉。並據唐書地理志增改。又激賞搖天筆。刊本激賞訛之爲。據文苑英華及全唐詩改。

贈裴十四。刊本十訛小。據全唐詩改。

述德兼陳情上哥舒大夫。浩蕩深謀噴江海。刊本噴訛噴。據全唐詩改。

雲讒詩贈友人。拾塵掇蜂。注。子貢以所齎貨竊犯圍而出。刊本脫犯字。又改節卽何稱於仁廉哉。刊本

何訛可。並據家語在厄篇改。又褒女惑周。注。盡取周路而去。刊本路訛縣。據史記周本紀改。

刊本教訛敬。據南史改。

贈清漳明府姪聿。惠與清漳流。注。清漳水出上黨沾縣大叟谷東北。至阜城入河。刊本脫沾縣二字。叟訛龜。阜城上衍陽海二字。據漢書地理志增改刪。又桑柘連青雲。刊本連訛違。據全唐詩改。

贈崔侍郎。再顧重千金。注。王曰。顧吾與汝千金。刊本王訛顧。今改。贈嵩山焦鍊師。時餐金鵝蕊。刊本餐訛粲。據全唐詩改。又舞鶴來伊川。注。鮑明遠有舞鶴賦。刊本鶴訛雞。今改。又伊陽縣在東京南一百六十里。刊本東訛西。據唐書地理志改。又高士傳。刊本脫高字。今增。

贈張公洲革處士。抱甕灌秋蔬。注。子貢過漢陰。刊本漢訛淮。又爲圃者仰而視之曰奈何。刊本脫爲圃者三字。並據莊子改增。

卷十

秋日鍊藥院鑷白髮。樂毅方適趙。刊本方訛豈。據全唐詩改。憶襄陽舊遊。曾上山公樓。注。故有山公樓。刊本公訛谷。據本詩正文改。

贈崔郎中之金陵。長嘯倚孤劍。目極心悠悠。歲晏歸去來。富貴安可求。刊本脫嘯倚至富貴安十七字。據文苑英華及全唐詩增。

贈別從甥高五。不減魏陽元。注。魏舒字陽元。刊本舒訛好。又外祖母以魏氏甥少而慧。刊本魏訛盛。

又舒後爲司徒。刊本舒訛相。並據晉書魏舒傳改。又溪水桃花流。刊本溪訛流。據全唐詩改。

敘舊贈江陽宰陸調。陸氏世英髦。注。後漢陸閔。刊本閔訛闕。又孫續字智初。刊本孫續訛子績。智初訛作志源。又取石爲重。號鬱林石。刊本取訛馭。並據後漢書陸續傳改。

贈從孫義興宰銘。所恨不見之。注。在瓦官寺畫。王長史見之。刊本官訛觀。據世說改。又聚舞共嘔吟。刊本共訛若。據全唐詩改。又注黃帝將見大隗乎具茨之山。刊本具茨訛且英。據莊子改。

草創大還贈柳官迪。相煎成苦老。注。潘潘鼎沸池兮。刊本潘潘訛譎譎。沸池二字互倒。並據參同契法象成功章改。又擣冶入赤色。注。擣冶升合之。持入赤色門。刊本升訛井。持訛馳。據參同契金丹刀圭章改。

又南斗上生籍。注。管輅字公明。善解諸術。至平原。刊本平訛中。又汝卯日刈麥地南大桑樹下。刊本卯訛那。南訛甫。又南面坐人語北面坐人曰。刊本訛作南面坐者人語曰。並據干寶搜神記改。

贈溧陽宋少府陟。李斯未相秦。刊本未訛來。據全唐詩改。

贈僧崖公。迴旋寄輪風。刊本旋訛於。據全唐詩改。又授余金仙道。注。故佛稱金仙。刊本佛訛飲。今改。

又萬籟各自鳴。注。是唯無作。作則萬竅怒號。刊本唯訛爲。據莊子齊物論改。又有石屏風橫絕其上。刊本屏訛橋。據文選天台山賦注所引會稽記改。

遊溧陽北湖亭。子胥昔乞食。注。何宜饋飯而與丈夫越虧禮儀。刊本虧訛戲。據吳越春秋改。

贈崔秋浦。其三。河陽花作縣。注。猶河陽得潘岳而好。刊本潘岳訛岳陽。好訛宿。據本詩及上句改。

贈王判官。人物鏡中來。注。行山陰道上。如鏡中遊。刊本脫中字。今增。

獄中上崔相渙。注。宋若思驗治。以爲罪薄宜貰。而若思軍赴河南。遂釋白囚。刊本思訛愚。而若思訛作石。

若宓。並據曾南豐集及本集詩序改。

中丞宋公以吳兵二千赴河南九江。皆渡虎。注。嘗募設檻。穿。均曰。虎豹在山。龜鼈在水。刊本募訛暮。檻訛

陷。均曰。訛白。日。鼈。訛鼈。並據後漢書宋均傳改。又郡不產穀。寔。而海出珠寶。刊本產訛奉。脫寶字。

又賀糴糧食。刊本賀訛貨。脫食字。又詭人探求。刊本探訛貪。並據後漢書孟嘗傳增改。

流夜郎贈辛判官。何日金雞放赦回。注。不次被用爲人桃李。刊本用訛甲。今改。

贈常侍御。大賢有卷舒。注。蘧伯玉邦有道則仕。刊本蘧伯玉訛作甯武子。據論語改。

經亂離後。天恩流夜郎。五噫出西京。刊本西訛四。據全唐詩改。又彎弧懼天狼。注。挾長矢兮射天狼。刊

本兮訛弓。據楚詞改。又函關壯帝居。刊本函訛幽。據文苑英華改。又對客小垂手。注。舞女出西秦。

躡影舞陽春。刊本女訛大。舞訛飛。據郭茂倩樂府改。又主人情未極。刊本未訛愈。據全唐詩改。又

五色雲間鵲。注。南康黎景逸居於空青山。刊本居訛一。今改。

江夏使君席上贈史郎中。刊本史訛使。據全唐詩改。

博晉鄭太守自廬山千里相尋。好士不盡心。注。言公子存趙救魏之功。刊本存訛有。今改。

贈王漢陽。天落白玉棺。注。乃沐浴服飾寢其中。刊本飾訛節。今改。又果慳麻姑言。注。接待以來。刊本侍

訛待。據神仙傳改。又日月之易邁。猶電流之速也。刊本流訛徹。今改。

贈從弟南平太守之遙。其一。赤車蜀道迎相如。注。蜀大城北十里有升仙橋。刊本大訛天。據史記司馬相如傳改。

其二。今古兩步兵。注。阮籍開步兵廚。營人善釀。有貯酒三百斛。刊本釀訛讓。貯訛耐。據晉書阮籍傳改。

贈張相鎬。其一。欵起持大鈞。刊本持訛待。據全唐詩改。

其二。本家隴西人。注。蘇頌爲益州長史。刊本頌訛題。今改。

繫潯陽上崔相渙。其一。邯鄲四十里。注。數爲反間。刊本數訛素。據史記改。

卷十二

贈宣城宇文太守。先着祖生鞭。刊本先訛生。據晉書及文苑英華改。

贈宣城趙太守悅。趙得寶符盛。注。諸子馳之常山上。刊本馳訛驅。據史記趙世家改。又赤縣揚雷聲。強

項聞至尊。注。中國名曰赤縣神州。刊本名訛縣。據史記孟荀列傳改。又光武因敕強項令出。刊本脫

出字。據後漢書酷吏傳增。

於五松山贈南陵常贊府。虞卿棄趙相。注。爲我告魏王。刊本我訛載。王訛魏。又不然吾伐趙。又不出王

之弟子關。刊本脫王之弟子關五字。又虞卿乃解相印。刊本脫虞卿二字。又欲因信陵君以走楚。

刊本欲訛故。並據史記范雎傳增改。

贈友人其三。莫持西江水。注。曾不如早索我於枯魚之肆。刊本如說知魚之肆。訛作爲有益。並據莊子改。贈從弟列。久別咸陽西。刊本別訛識。又及此桑葉綠。刊本葉訛華。並據全唐詩改。

贈閔邱處士。閒讀山海經。注。郭璞註山海經二十三卷。又撰山海經圖贊二卷。刊本註字撰字互訛。今移正。

贈宣州靈源寺仲濬公。高談出有無。注。既無文殊。誰能見賞。刊本殊訛珠。據世說新語改。

登敬亭山南望懷古。鍊火燒金丹。注。入臨安西山。刊本山訛子。又字遠遊。刊本字訛子。並據晉書許邁傳改。

經亂後將避地剡中。雙鵝飛洛陽。注。白者金色。國之祥也。刊本祥訛行。據晉書五行志改。獻從叔嘗塗宰陽冰。落筆灑篆文。刊本灑訛酒。據全唐詩改。

書懷贈南陵常贊府。歲星入漢年。注。帝問諸星皆具在否。刊本諸訛帝。今改。又魯女惜園葵。注。公儀休爲魯相。刊本爲訛與。據史記循吏傳改。又蹉跎身世違。刊本身訛因。據全唐詩改。

卷十三

淮南臥病書懷。楚冠懷鍾儀。注。南冠而縶者誰也。刊本縶訛繫。據成公九年左傳改。又相如琴臺在成

都浣溪海安寺。刊本成訛城。今改。

寄弄月溪吳山人。待我辭人間。刊本我訛號。據全唐詩改。又注。居峴山之南。未嘗入城府。刊本峴訛現。

據後漢書改。

夕霽杜陵登樓翠色明雲松。刊本松訛歲。據文苑英華改。

秋夜宿龍門香山寺奉寄王方城十七丈奉國瑩上人。刊本瑩訛營。據全唐詩改。

聞丹邱子於城北營石門幽居。婚娶殊未畢。注。敕家事斷之。勿復相關。刊本復訛伏。據高士傳改。

聞王昌齡左遷龍標。閉道龍標過五溪。注。雄溪。楠溪。酉溪。濼溪。辰溪。刊本楠訛滿。濼訛沅。據水經沅水注

及後漢書馬援傳注改。

憶舊遊寄譙郡元參軍餐霞樓上動仙樂。注。太白冬夜於餐霞樓。刊本冬訛夕。據卷二十七本篇題改。

又歌曲自繞行雲飛。注。餞於郊衢。刊本郊訛效。今改。

宿白鷺洲寄楊江寧綠水解人意。注。秦淮源句容溧水兩山閒。刊本溧訛漂。又至建康貫城中而西。刊

本至訛置。並改。

寄東魯二稚子。因之汝陽川。注。望其里而加敬。刊本望訛室。今改。

禪房懷友人岑倫梅花南嶺頭。刊本脫南字。據全唐詩增。

卷十四

下尋陽城汎彭蠡寄黃判官浪動灌嬰井。注。穎陰侯開。刊本穎訛淮。據漢書灌嬰傳及功臣侯表改。

江夏寄漢陽輔錄事埋沒願榮翁。注。晉廣陵相陳敏反。刊本反訛文。又敏不獲濟。刊本獲訛復。並據晉

書顧榮傳改。

涇溪東亭寄鄭少府諤。刊本東亭訛作都郡。據全唐詩改。

宣州九日其一。獨有崔亭伯。注爲竇憲主簿。刊本竇訛黃。據後漢書改。

寄崔侍御。過客難登謝眺樓。刊本樓訛舟。據全唐詩改。

三山望金陵寄殷淑。天涯寄一懽。刊本懽訛顏。據全唐詩改。

寄上吳王其二。東壁掛胡牀。注及其去也。留以挂柱。刊本也訛世。挂柱訛若挂。據三國志裴潛傳改。

其三。願入蘭臺宮。刊本宮訛招。據全唐詩改。又注郭袤爲中郎。刊本郭袤訛鄭玄。又故復相屈。刊本

復訛後。並據文選注改。

卷十五

秋日魯郡堯祠亭上。茫然空爾思。刊本空訛室。據文苑英華改。

夢遊天姥吟。仙之人兮列如麻。刊本脫如字。據文苑英華及全唐詩增。又別君去兮何時還。刊本兮訛

時。據繆曰芑本改。

留別于十一兄。秦趙虎爭血中原。刊本秦訛蔡。據全唐詩改。

魏郡別蘇明府。美女誇芙蓉。注卓文君臉際常若芙蓉。案此語係西京雜記。刊本訛作西京新記。今改。

又言淇水之隈也。刊本淇訛漢。今改。又雲山杳千重。刊本重訛里。據全唐詩改。

留別西河劉少府笑對劉公榮注阮謂王曰刊本阮訛既據世說改

穎陽別元丹邱之淮陽去爲紫陽賓注常以平旦日出東向立刊本東向立訛作立東據卷三十漢東紫

陽先生碑銘注改

感時留別大雅歌龔斯注毛詩周南序刊本周南訛大雅又龔斯蛭蟻也刊本蟻訛蟻又幽州謂之

春箕刊本春訛春並據毛詩注疏改又海水爍龍龜刊本水爍訛木爍據文苑英華及全唐詩改

別儲邕之剡中辭君向天姥刊本君訛若據繆曰芑本改

留別金陵諸公詩騰顏謝名注惠連玄暉宣遠詩皆入選刊本宣訛詩入選訛先達今並改

金陵白下亭留別驛亭三楊樹注白下亭今在建康東門外刊本此句注文訛在上首詩下又脫下字今

增改正

別東林寺僧東林送客處注規制廣袤刊本袤訛寰今改

竄夜郎於烏江留別適遭雲羅解刊本適訛過據全唐詩改

卷十六

送王屋山人魏萬還王屋序美其愛文好古刊本其訛而據全唐詩改又注遂有此詩刊本脫遂字據

全唐詩及繆曰芑本改又魏侯繼大名刊本名訛夕據文苑英華改又辯折田巴生注辯於狙邱

刊本狙訛狙據史記魯仲連傳正義引魯連子改又臣願得當田子使之不敢復說刊本脫得字使

訛候。敢訛取。據王琦本注改。又今楚軍南陽。刊本脫陽字。又有似梟鳴。人皆惡之。刊本梟鳴訛是者。並據史記魯仲連傳正義改。又樟亭望潮還。刊本樟亭訛作章臺。據全唐詩改。又入剡尋王許注。義之造之。相與爲世外交。刊本脫造之下八字。據晉書許邁傳增。又父盱迎神。泝濤而上。刊本盱訛時。泝訛泳。據世說新語注引會稽典錄改。又寧懼惡溪惡。刊本寧訛事。據全唐詩改。又仙臺應有期。刊本期訛難。據文苑英華及全唐詩改。

送友人尋越中山水。三吳張翰杯。注。卿乃可縱適一時。偏不爲身後名耶。刊本適訛遇。據世說改。又天

台山在台州。刊本下台字訛合。今改。

送友人遊梅湖。應見梅花發。注。自江南寄梅花一枝。詣長安。刊本江訛至。詣訛寄。又與粵詩曰。刊本粵

訛復。又折梅逢驛使。刊本折訛新。又江南無所有。刊本訛作自遠迴所有。並據類書所引荊州記改。

送楊山人歸天台。沙明浦陽月。注。鄺善長水經注云。刊本善長二字互倒。今改。又謝承後漢書。刊本脫

謝承後三字。據藝文類聚改。

送方士趙叟之東平。長桑晚洞視。注。扁鵲者。渤海鄭人也。案史記徐廣注。鄭當作鄭。縣名。屬河間府。此作

鄭。蓋仍史記本之舊。又視見垣一方人。刊本見垣二字互倒。據史記扁鵲列傳改。

送少府赴選。我非彈冠者。注。世稱王陽在位。貢禹彈冠。刊本禹訛公。據漢書改。

金鄉送韋八之西京客自長安來注惠帝元年初城刊本元訛子據漢書改。

送薛九被讒去魯遂與羣雞匹刊本遂訛送據全唐詩改。又孟嘗悅狡兔注長驅到齊刊本驅訛謳據

史記馮煖傳改。又賢哉四公子注不爲兵將刊本兵將二字互倒。又又何至此刊本又訛則並據

戰國策改。

送族弟凝至晏堦別鴈驚涼溝刊本溝訛清據全唐詩改。

卷十七

送魯郡劉長史五縑不成束注子夏傳云正匹爲束三玄先縑象陰陽案儀禮喪服子夏傳無此文考三

玄二縑本禮記雜記文鄭康成注聘禮用之與此俱小異未知此所引何書姑仍其舊。

魯郡堯祠飢髒在風塵注飢髒高亢婞直之貌刊本婞訛燒今改。

送羽林陶將軍將軍出使擁樓船注將軍各三人從二品刊本下三字訛二。又掌統北衙禁兵刊本北

訛出據唐書百官志改。

送程劉二侍郎安西幕府外材雄注安西都護府治西州刊本下西字訛泗據唐書地理志改。又天外

飛霜下葱海注葱嶺其山高天刊本大訛文據漢書西域傳注引西河舊事改。又龍旂九旂刊本旂

訛游據周禮考工記改。

同王昌齡送族弟襄歸桂陽刊本族訛旅據全唐詩改。

其二。昨夢江花照江日。刊本日詛國。據全唐詩改。

送外甥鄭灌從軍。其二。丈八蛇矛出隴西。注。晉書載記陳安敗死隴上。刊本脫書載二字。據晉書增。

其三月蝕西方破敵時。注。酉陽雜俎。刊本脫雜字。今增。

送梁公昌從信安北征。旋應獻凱入。注。大司樂。王師大獻則令奏愷樂。刊本師誤軍。令奏詛鼓其樂字下。

衍愷歌二字。又大司馬。師有功則愷樂獻於社。刊本大司馬下衍老字。據周禮改刪。

送張秀才從軍。齊珪安肯分。刊本珪詛姓。據全唐詩改。

送祀八之江東。浣沙石上窺明月。刊本沙詛溪。據全唐詩及繆曰芑本改。

送長沙陳太守。其二。定王垂舞袖。注。但張袖小舉手。刊本袖詛腰。據漢書注改。

送蔡山人。唐生安敢譏。注。澤笑謝而去。刊本謝詛談。據史記蔡澤傳改。

送楊山人歸嵩山。嵩陽玉女峰。注。武帝上嵩山。刊本脫上字。又吾九疑之神。刊本神詛人。又唯與乃。

探服之不息。刊本與詛帝。並據神仙傳增改。

卷十八

送李青歸南岳葉川。伯陽仙家子。注。老子黃白色。美眉廣額。刊本眉詛鬚。類詛面。據神仙傳改。

送舍弟。吾家白額駒。注。與呂光太史令郭鑿。刊本鑿詛馨。又家有驕艸馬生白額駒。此其時也。刊本驕。

艸詛騙黃。並據晉書載記改。

送張秀才謁高中丞。秦帝淪玉鏡。注。秦失金鏡。喻明道也。刊本秦訛余。案此所引雜書。未知何本。檢北堂書鈔有此語。今據改。

同吳王送杜秀芝舉入京。秀才何翩翩。注。子嚙嗣王。刊本嚙訛獻。據唐書改。

與諸公送陳郎將歸衡陽序。英思逸發。刊本英訛莫。據全唐詩改。

送趙判官赴黔府。風霜推獨坐。刊本推訛擢。據全唐詩改。

賦得白鷺鷥送宋少府入三峽。案此題詩係五言絕句。云。白鷺拳一足。月明秋水寒。人驚飛遠去。直向使君灘。刊本脫此詩。又初發強中作一首。題係送二季之江東。刊本脫此題。並據全唐詩及繆曰芑本增。

宣州謝朓樓。蓬萊文章建安骨。注。阮瑀。刊本瑀訛瑤。據三國志改。

宣城送劉副使入秦。恐傷園中葵。注。傷根葵不生。刊本傷訛採。據古詩紀改。

涇川送族弟錚。蓬山振雄筆。注。太僕鄧康遂薦章入東觀。爲校書郎。刊本觀訛宮。據後漢書竇章傳改。

五松山送殷淑。仲文了不還。注。殷仲文少有才藻。美容貌。刊本美容訛芙蓉。據晉書殷仲文傳改。

送崔氏昆季之金陵。五兩先飄揚。注。雞羽重八兩。刊本八訛入。又許慎淮南子。注。刊本脫淮南子三字。

並據文選江賦注改增。

登黃山凌歊臺。刊本歊訛欹。據全唐詩改。又秦池無草木。注。則太倉三輔。案舊唐書作太倉及三輔先

所貯積。此刪節過多。義反不了。因新書各本如是。姑仍之。又臣願廣陝運道。刊本陝訛夾。據唐書改。

卷十九

五月東魯行。獲笑汶上翁。注。汶水出萊蕪西入濟。刊本蕪訛州。濟訛齊。據漢書地理志改。又我以一箭書。注。約之矢以射城中。刊本脫約之二字。又歸而言魯仲連欲爵之。刊本而訛每。並據史記魯仲連傳改。

答長安崔少府。河伯見海若。注。秋水時至。刊本時訛渚。據莊子改。

贈李十二左司郎中崔宗之。案此係崔宗之贈太白詩。因下載太白酬詩。故先錄此。刊本將詩頂格寫。與

本集詩混。今改低一格以別之。又稍稍風葉聲。刊本葉訛華。據全唐詩改。又注。記月令。立秋日涼

風至。又五日白露降。案此係逸周書月令篇文。唐明皇命李吉甫等脩月令仍用之。非禮記原本此

引作記。蓋仍唐石經之誤。又懷中茂陵書。注。長卿時時著書。刊本下時字訛已。又未死時爲一卷

書。刊本脫曰字。據漢書司馬相如傳改增。

金門答蘇秀才。屢忝白雲唱。刊本脫忝字。據全唐詩補。又注。蕭何造麒麟閣以藏祕書。處賢才。刊本脫

何字處字。據漢書顏師古注引宮閣疏增。又得心自虛妙。刊本虛訛非。據全唐詩改。

訓張卿。鳴機應秋節。刊本機訛雞。據繆曰芑本改。

贈李十二。我是瀟湘放逐臣。刊本此詩頂格寫。今改正。

玩月金陵城西。秦客爲之搖。刊本客訛君。搖訛謠。據全唐詩改。

答杜秀才。骭髀不能就。珪組。刊本珪訛跬。今改。

答王十二。北斗錯落長庚明。注。庚。續也。刊本脫庚字。據毛詩傳增。又晉君聽琴。枉清角。注。破俎豆。墮廊

瓦。刊本廊訛廊。據韓非子改。又董龍更是何雞狗。注。董龍是何雞狗。刊本何訛同。據晉書載記改。

又時許都新建。刊本時訛是。據後漢書改。又君不見李北海。注。釋事而忘意。刊本釋訛適。又徒澧

州司馬。刊本澧訛禮。並據唐書李邕傳改。

卷二十

秋獵孟諸。一掃四野空。刊本掃訛婦。據全唐詩改。

遊泰山。其六。獨抱綠綺琴。注。綠綺相如蔡琰之琴名也。刊本綠綺二字訛在之字下。今改正。

秋夜與劉錫山泛晏喜亭池。文招梁苑客。注。漢梁孝王築東苑。刊本苑訛城。據漢書梁孝王傳改。

送從姪杭州刺史。疊嶂隔遙海。刊本海訛響。又詩成傲雲月。刊本詩訛轉。並據全唐詩改。又注。山有

一門。南北相望。刊本望訛名。今改。

朝下過廬郎中。何由返初服。注。進不入以離尤。刊本尤訛龍。據楚詞改。

侍從遊宿溫泉宮作。羽林十二將。注。壘壁陳十二星。刊本壘訛壘。又主羽林衛天子之軍。刊本天訛太。

據星經改。又武帝太初元年置建章營騎。刊本初訛白。據漢書百官公卿表改。

陪從祖濟南太守泛鵲山湖其一初謂鵲山近刊本山訛橋據全唐詩改。

宴鄭參卿山池留歡更邀誰刊本誰訛詩據全唐詩改。

同族姪評事其一何異清涼山注經中明文云刊本經訛結據王琦注引法苑珠林改。又四時發茂刊

本茂訛將今改。

其二童子獻霜梨刊本霜訛雙據文苑英華改。

金陵鳳凰臺置酒東風吹山花刊本山訛出據全唐詩改。

秋浦清溪客有桂陽至注唐郴州桂陽郡刊本郴訛彬據唐書地理志改。

與周剛清溪玉鏡潭晏別我來憩秋浦刊本憩訛源據文苑英華及全唐詩改。又注石門遡水上入兩

山口刊本脫入字口字據文選李善注增。

泛沔州城南郎官湖名與此山俱注公令聞令望必與此山俱傳刊本脫傳字據晉書羊祜傳增。

陪侍郎叔遊洞庭其一三杯容小阮注籍子渾有父風刊本渾訛運據晉書阮籍傳改。

其三醉殺洞庭秋刊本殺訛後據全唐詩改。

九日登山淵明歸去來注續晉陽秋曰刊本脫續字考藝文類聚引此文作續晉陽秋今據增。

陪族叔當塗宰遊化城寺了見水中月刊本了訛子據文苑英華及全唐詩改。

卷二十一

登峨眉山煙客如在顏。刊本客訛谷。據全唐詩改。
大庭庫古木朔氣多。刊本朔訛翔。據文苑英華改。又注。魯於其處作庫。刊本處訛庭。據昭公十八年左傳注改。

天台曉望門標赤城霞。注。望之如雉堞然。刊本雉訛錐。今改。

早望海霞邊。青龍白虎車。注。帝令仙官薄延之。乘白鹿車。刊本脫之字。據神仙傳增。

秋日登揚州西靈塔。露浴梧桐楸白。刊本浴訛浩。據全唐詩改。

望廬山瀑布其一。江月照還空。刊本照還二字互倒。據全唐詩改。

其二日照香爐生紫烟。注。蘇東坡志林。刊本志林訛作詩話。又見其中有徐凝和李白詩。刊本凝訛頰。

又不與徐凝洗惡詩。刊本與訛爲。凝訛擬。並據東坡全集改。

登廣武古戰場。分我一杯羹。注。爲高俎。置太公其上。刊本俎訛祖。據史記項羽本紀改。

卷二十二

安州應城玉女湯作。赴海輪微涓。注。雖抱王佐之才而無由自進。刊本進訛幸。今改。

之廣陵宿常二南郭幽居。刊本郭幽訛作顧北。據全唐詩改。

下途歸石門舊居。陶公鍊液棲其間。注。齊高帝作相。引爲諸王侍讀。刊本王訛生。又止於茅山中立館。

刊本館訛節。並據南史隱逸傳改。

郢門秋懷。豈見三桃園。注。王母降漢宮。侍女以玉盤盛仙桃七顆。刊本盛訛乘。據漢武內傳改。自巴東舟行。遂步巫山巔。刊本巔訛嶺。據全唐詩改。

下陵陽沿高溪。三門六刺灘。六刺走波瀾。刊本刺訛剩。據本詩題及繆曰芑本改。

宿鰕湖。夜半四天開。刊本天訛邊。據全唐詩改。

懷古。王右軍。瀟灑出風塵。刊本出訛在。據全唐詩改。又注。羲之清真有鑒裁。刊本鑒訛覽。裁下衍之雅

二字。據晉書王羲之傳改刪。

上元夫人。上元誰夫人。注。漢武內傳曰。上元夫人云云。考漢武內傳文與此異。應是引他書而傳寫誤者。無可考。姑仍之。

商山四皓。漢祖升紫極。注。後星爲庶子。刊本庶訛元。據晉書天文志改。

蘇武。蘇武在匈奴。注。舉劍擬之。刊本擬訛疑。又節旄盡落。刊本旄訛毛。又與武決去。刊本武訛我。

又路窮絕。兮矢刃摧。刊本窮訛穹。並據漢書蘇武傳改。

金陵。其一山爲龍虎盤。注。一作碧宇樓臺滿。刊本宇訛雨。據全唐詩改。

過彭蠡湖。綠蘿鳴愁猿。刊本鳴愁二字互倒。據全唐詩改。

入彭蠡經松門。翼與琴高言。注。謝朓琴高事見前。刊本朓訛畝。今改。

廬江主人婦。孔雀東飛何處棲。注。俗謂之朝無朝時。自辰至午皆朝。案此二語不可解。必有訛脫。檢各書

言孔雀俱無此文姑仍之。

陪宋中丞武昌夜飲庾公愛秋月。刊本庾訛使。據全唐詩改。

紀南陵題五松山。一朝和殷羹。刊本羹訛人。據文苑英華及全唐詩改。又注。夢神告曰。白水出而東走。

無願。刊本白訛舊。據列子注及水經伊水注改。又王未克變。刊本克訛足。據商書改。又詩傳云。龜

山。蒙山也。刊本傳訛箋。據毛詩注疏改。

桓公井寒泉滿孤月。刊本月訛用。據全唐詩改。

卷二十三

月下獨酌其二。酒星不在天。注。天下大酺。有酒肉財物賜。刊本酺訛脯。肉訛內。據晉書天文志改。又鮮

于輔曰。刊本輔訛捕。據三國志徐逸傳改。

金陵江上遇蓬池隱者。遇君蓬池隱。注。唐蓬山郡治蓬池縣。刊本蓬山上衍蓬池二字。今刪。

日夕山中撫几空嘆息。刊本几訛已。據全唐詩改。

廬山東林寺夜懷。宴坐寂不動。注。不斷煩惱而入涅槃。是爲宴坐。刊本槃訛繫。今改。

尋雍尊師隱居。撥雲尋古道。刊本撥訛拔。據全唐詩改。

秋日與張少府回首意何如。刊本何如二字互倒。據全唐詩改。

秋夜獨坐懷故山。天書訪江海。刊本江訛注。據繆曰芑本改。

憶崔郎中宗之遊南陽遺吾孔子琴撫之潸然感舊刊本琴撫二字互倒據全唐詩移正
對酒憶賀監其二敕賜鏡湖水注又求周宮湖數頃爲放生池刊本宮訛官又擢其子僧子爲會稽郡
司馬刊本僧訛曾並據唐書賀知章傳改

卷二十四

越中秋懷分明畫相似刊本畫訛盡據全唐詩改

擬古其二高樓入青天注而不肯以身輕許於人刊本肯訛肖今改

其七身沒期不朽刊本期訛豈據文苑英華及唐文粹改

感興其一宛轉入宵夢刊本宵夢二字互倒據全唐詩改

其三流落他人開刊本開訛開據繆曰吾本改

寓言其一周公負斧屐注天子負斧屐南向而立刊本脫斧字南向訛作正南面據禮記明堂位改乃

又告太王季文王刊本乃告訛告于又維朕小子其新迎刊本迎訛造並據尚書金縢改

其三從風欲傾倒刊本從訛清據全唐詩改

翰林讀書言懷掩卷忽而笑刊本掩訛捲據全唐詩改

高贖詞南冠君子注南冠而縶者誰刊本縶訛泣據左傳改又舜昔授禹注禹往見之疾趨就下風刊

本就訛隴據莊子改

田園言懷。班超萬里侯。注。行詣相者。刊本詣訛請。又將本所從三十餘人。刊本十訛千。並據後漢書班

超傳改。

詠山樽。其二。擁腫寒山木。注。其大木撫腫而不中繩墨。刊本句下衍規矩二字。據莊子刪。

初出金門。注。留別王侍御。刊本王訛陸。據全唐詩改。

紫藤樹。香風留美人。刊本留訛流。據全唐詩改。

流夜郎題葵葉。慙君能衛足。注。鮑莊子之智不如葵。刊本鮑訛趙。之訛曰不訛而。並據左傳改。

瑩禪師房。真僧閉精宇。刊本字訛宗。據繆曰芑本改。

詠槿。刊本槿下衍二首兩字。下詠桂詩訛作其二。據全唐詩改。又園花笑芳年。刊本芳訛荒。據繆曰芑

本改。

南奔書懷。舟中指可掬。注。桓子不知所爲。刊本桓訛相。據左傳改。

卷二十五

題隨州紫陽先生壁。早暑丹臺名。刊本早訛卑。據全唐詩改。

題瓜州新河。吳關倚此固。刊本吳訛美。據全唐詩改。

題金陵王處士水亭。掃拭青玉簾。爲余置金樽。刊本拭訛地。置訛直。並據文苑英華改。

題江夏脩靜寺。注。此寺是李北海舊宅。刊本北訛伯。據本詩改。

改九子山爲九華山聯句。飛流歎陽崖。刊本歎訛歎。據全唐詩改。

權讒。雙花競春芳。刊本競作竟。據繆曰芑本改。

觀胡人吹笛。愁聞出塞曲。注。李延年因之更造新聲。刊本更訛思。又隴頭水。刊本隴訛嶺。又黃華子。

刊本華訛覃。又十曲也。刊本十下衍四字。並據崔豹古今注改刪。

嵩山採菖蒲者。神仙多古貌。刊本古訛苦。據全唐詩改。又注。仙人曰。吾九嶷之神。刊本神訛人。據神仙

傳改。

寄遠。其一。纖手弄雲和。注。不過伏犧大舜夫子靈關雲和五等而已。刊本和訛得。據本詩及周禮大司樂

雲和之琴瑟句改。

其五。花明淥江暖。刊本暖訛曖。據本詩韻及全唐詩改。

代贈遠。腸隨回文結。刊本文訛紋。據繆曰芑本改。

代寄情。楚詞體。恍若空而夷。猶。刊本恍訛悅。據全唐詩改。

口號吳王美人半醉。姑蘇臺上宴吳王。刊本宴訛見。據唐文粹及全唐詩改。

自代內贈。鳴鳳始相得。刊本相訛何。據全唐詩改。

秋浦感主人歸燕寄內。寥寥金天廓。注。其帝少皞。刊本其訛黃。據禮記月令改。

贈婦。何異太常妻。注。三百五十九日齋。一日不齋醉如泥。刊本脫上七字。據後漢書周澤傳增。

越女詞其二。賣眼擲春心。刊本眼訛藥。據全唐詩改。

出妓金陵子呈盧六其二。花月奈愁何。刊本月訛有。據文苑英華改。

宣城哭蔣徵君。安得相如草。注時時著書人。又取去。刊本時時下衍書字。著訛者。又長卿未死時。爲一

卷書。刊本一訛二。並據漢書司馬相如傳刪改。

卷二十六

上安州李長史書。敢沐芳負荆。刊本沐芳二字訛作味字。據繆曰芑本改。

上安州裴長史書。敢剖心折肝。刊本剖訛刻。又不許門下逐之長途。刊本逐訛遂。並據繆曰芑本改。

卷二十七

奉餞十七翁二十四翁尋桃花源序。水引漁者。記藏仙谿。刊本花訛苑。據唐文粹及繆曰芑本改。

秋於敬亭送從姪耑遊廬山序。栖隱安陸。刊本栖訛酒。今改。

送黃鍾之鄱陽謁張使君序。卽原嘗春陵之亞焉。刊本亞訛要。據唐文粹改。

卷二十八

送戴十五歸衡嶽序。戴侯寓居長沙。刊本脫寓字。據唐文粹及繆曰芑本增。又少長咸洛。窺霸王之圖。

刊本洛訛落。今改。又鯤海未躍。鵬霄悠然。刊本悠訛愍。又邳國之秀有廖侯焉。刊本邳訛却。並據

繆曰芑本改。

江夏送情公歸漢東序。好賢攻文。刊本攻訛改。又路入漢東國。刊本脫路入二字。並據文苑英華改增。秋夜於安府送孟贊府兄還都序。風雲動人。刊本人訛天。據文苑英華改。多夜於隨州紫陽先生餐霞樓送烟子元演隱仙城山序。有所感嘆。銘契潭石。刊本感嘆訛款然。據文苑英華改。

卷二十九

任城縣廳壁記。俾後賢之操刀。刊本刀訛力。今改。

趙公西侯新亭頌。惟公代秉天憲。作保南臺。刊本保訛程。又聿生懿德。刊本德訛右。又道寡列樹。行

無清陰。刊本寡訛寬。又馬偏側於谷口。人周章於山頂。刊本偏訛之。又森沈閉閔。刊本閔訛閉。

又若鼇之勇。如鵬斯騫。刊本鼇訛鳧。並據繆曰芑本改。又總是役也。刊本總訛然。據文苑英華改。

崇明寺佛頂尊勝陀羅尼幢頌。如大雲王。注法雨。刊本雨訛再。據繆曰芑本改。

當塗李宰君畫讚。揚光泰清。刊本揚訛楊。光訛先。並據文苑英華改。

金陵名僧顏公粉圖慈親讚。託體明淑。刊本體訛禮。今改。

師猛讚。鋸牙銜霜。鉤爪抱月。刊本霜訛雙。據繆曰芑本改。

朱虛侯讚。刊本朱訛木。據本讚改。

地藏菩薩讚。弟子扶風寶滔。刊本寶訛寶。今改。

卷三十

化城寺大鐘銘。然當虛懷忘情。潔己利物。刊本然訛言。據繆曰芑本改。

天長節使章公德政碑。大彭之洪膺。扶陽之貴族。刊本陽訛楊。又無何中使銜命。刊本中訛巾。又悅

坐棠而浚風。庶剌石以真美。刊本真訛賓。並據繆曰芑本改。又軒后訪道。來登峨帽。刊本峨帽訛娥

眉。今改。

比干碑。嘗敢論之曰。刊本論訛頤。據唐文粹改。

武昌宰韓君去思頌碑。存孤嗣趙。刊本趙訛起。又奕葉明德。刊本葉訛業。又有吳錢氏。刊本吳訛吾。

並據繆曰芑本改。又爲其政而則理成。此句似有訛脫。檢各本皆然。姑仍之。

虞城縣令李公去思頌碑。三月政成。隣封取則。刊本封訛墳。據繆曰芑本改。又棄余往矣。茫如墜川。刊

本余訛金。今改。

